

四庫全書

集部

欽定四庫全書

集部

蘇詩補註卷三十八

詳校官庶吉士臣李傳熊

檢討臣何思鈞覆勘

總校官原任中允臣王燕緒

校對官中書臣王家賓

謄錄監生臣胡念祖

欽定四庫全書

蘇詩補註卷三十八

翰林院編修查慎行撰

古今體詩四十四首

起紹聖元年甲戌秋自江西赴嶺外十月到惠州盡是年十二

月作

過廬山下

并引

予過廬山下雲物騰涌默有禱焉未午衆峰凜然故

作是詩

亂雲欲覆山勢與飄風南羣鷗相應和勇往爭驂驪可

憐蒼蔚中時出紫翠嵐雁沒失東嶺龍騰見西龕一時
供坐笑百態變立談暴雨破塊北清飈掃渾酣廓然歸
何處陋矣安足戡亭亭紫霄峰窈窕白石庵五老數松
雪雙溪落天潭雖云默禱應顧有移文慙

白石庵

廬山紀事楞伽院內有白石庵李公擇藏書處本集有李氏山房藏書記即此也

壺中九華詩

并引

湖口人李正臣蓄異石九峰玲瓏宛轉若窗櫺然予
欲以百金買之與仇池石為偶方南遷未暇也名之

曰壺中九華且以詩紀之

清溪電轉失雲峰

一本作我家岷蜀最高峰

夢裏猶驚翠掃空五嶺

莫愁千嶂外九華今在一壺中天池水落層層見

一本作石

泉影落涓涓滴

玉女窗虛處處通念我仇池太孤絕百金歸買

碧玲瓏

湖口

九江志漢鄒陽鎮屬彭澤縣劉宋時湖口戍也南唐保大中以彭澤二鄉置縣扼彭蠡湖口

李正臣異石

西湖游覽志餘引宋人詩話云李正臣有石刻碑本九峰排列如雁齒不甚峭

崕石腰有白脉若束以絲帶此石之病不知東坡先生何以酷愛之如此

五嶺

文獻通考永嘉周去

非有嶺外代答十卷中一條云五嶺之說皆指山名
今考之乃入嶺之途五耳非必山也自福建入廣東
之循梅一也自江西之南安入南雄二也自湖廣之
郴入連三也自道州入廣西之賀縣四也自全入靜
江五
九華 太平寰宇記九華山在池州青陽縣顧野
王輿地志云山上有九峰千仞壁立周圍
二百里高一千丈李白詩
天河掛綠水秀出九芙蓉
仇池石 先生揚州時所
得詳見三十五卷

南康望湖亭

一本云過
洞庭訛

八月渡長

一作重

湖蕭條萬象疎

一本云滿
湘景物疎

秋

一作西

風片

帆急暮靄

一作雨

一山孤許國心猶在康時術

一作業

已虛

岷峨家

清波雜
志作千

萬里投老得歸無

望湖亭

江西志南昌吳城驛有吳城山山有望湖亭

八月渡湖

按年譜先生于是年

五月離中山行至滑州登舟從南康軍出陸赴貶所
八月二十一日過虔州計其過彭蠡當在八月初

慎按南宋人周輝清波雜志云紹興辛酉輝

侍隨之鄱陽小泊沙際步至山椒一寺軒名

重湖梁間一木牌乃蘇內翰留題八月渡重

湖云据此則望湖亭當作重湖亭又按施氏

原本不載今從新刻續補下卷据時地移編

于南遷卷中

江西一首

江西山水真吾邦白沙翠竹石底江舟行十里磨九瀧
篙聲聲確相舂撞醉卧欲醒聞淙淙一作真欲一口吸
老龐何人得雋窺魚缸舉义絕叫尺鯉雙

江西

元和郡縣志晉元康中分荆揚十郡立江州治豫章郡唐初隸江南道開元中分江南西道江

西之名
始此

附子由次韻

許君馬老共一邦西山斷處流蜀江誰令千載重

渡瀧灘頭舊寺晨鐘撞亂流赤脚記淙淙道俗自
謂丹霞龐便令築室修畦疇往還二老筇一雙

自注

予與筠州聰長老有十年之舊

秧馬歌

并引

過廬陵見宣德郎致仕曾君安止出所作禾譜文既
溫雅事亦詳實惜其有所缺不譜農器也予昔遊武
昌見農夫皆騎秧馬以榆棗為腹欲其滑以楸桐為
背欲其輕腹如小舟昂其首尾背如覆瓦以便兩髀

雀躍于泥中繫束繫其首以縛秧日行千畦較之偃
偻而作者勞佚相絕矣史記禹乘四載泥行乘橈解
者曰橈形如箕植行泥上豈秧馬之類乎作秧馬歌
一首附于禾譜之末云

春雲濛濛雨淒淒

二作
萋萋

春秧欲老翠剌齊嗟我婦子行

水泥朝分一壠暮千畦腰如瑩篴首啄雞筋煩骨殆聲
酸嘶我有桐馬手自提頭尻軒昂腹脇低背如覆瓦去
角圭以我兩足為四蹄登踊滑汰如鳧鷖纖纖束縶亦

可齋何用繁纓與月題却從畦東走畦西山城欲閉聞
鼓鼙忽作的盧躍檀溪歸來掛壁從高樓了無芻秣飢
不啼少壯騎汝逮老驢何曾蹶軼一作防顛墮錦一作
韉公子朝金閨笑我一生蹋牛犁不知自有木駃騠

曾安止

字移忠見周益公題跋

永譜

經籍志農家類中有曾安止永譜五卷

滑汰

施青臣繼古叢編東坡秧馬詩滑汰汰字入聲讀與達同繁纓毛詩鈞膺注疏其有樊纓之飾樊讀如鞞帶之鞞謂今馬大帶纓今馬鞞金路其樊及纓以五采屬飾之而九成周禮左傳

皆作繁纓

按周益公題跋云東坡年五十九南遷過太和縣作秧馬歌贈曾移忠心聲心畫惟意所適殊是得意之作既到嶺南往往錄示邑宰近歲移忠姪孫名之瑾者已譜農器成公素志予嘗為之序其與未譜並傳無疑矣按未譜與農器譜今不傳

八月七月初八日過惶恐灘

七千里外二毛人十八灘頭一葉身山憶喜歡勞遠夢

公自注蜀道有錯喜歡舖在大散關上

地名惶恐泣孤臣長風送客添帆

腹積雨浮

一作扶

舟減石鱗便合與官充水手此生何止

略知津

十八灘

按陳書高祖紀南康贛石舊有二十四灘高祖之發也水暴起數丈三百里灘巨石皆沒

宋邢坦齊引廬陵志亦云二十四灘惟萬安縣志則云贛州二百里至岑縣又一百里至萬安其間灘有十八舊皆屬虔州宋熙寧中割地立縣自贛城下二十里曰儲曰鼈曰橫弦曰天柱曰小湖曰銅盆曰陰曰陽曰會神以上九灘屬贛自青洲下至梁口乃萬安縣地其灘曰金曰崑崙曰曉曰武朔曰小蓼曰大蓼曰綿曰漂神曰黃公灘水湍急惟黃公為甚東坡南遷訛為惶恐趙清獻守虔州嘗疏鑿十八灘以殺水勢蓋十八惶恐坦齋通紀云詩人好改易地名以灘為尤險也惶恐就句法廬陵志二十四灘自下而上第一灘在萬安縣前名黃公灘坡乃改為惶恐對喜歡○慎按文信國亦有惶恐灘頭說惶恐之句則又因坡公而傳訛者也

鬱孤臺

公自注以下
四首皆虔州

八境見圖書鬱孤如舊游山為翠浪湧水作玉虹流日
麗崆峒曉風酣章貢秋丹青未變葉鱗甲欲生洲嵐氣
昏城樹灘聲入市樓煙雲侵嶺路草木半炎州故國千
峰外高臺十日留他年三宿處準擬繫歸舟

鬱孤臺八境

注見前十
六卷中

崆峒

十道志崆峒在虔州城
南六十里一名空山自

南康宛延而來章貢二水夾以北馳一郡之望
也山巔有湖湖有舫艚底人或動之風雨立至
輿地廣記贛水東源出雩都曰湖漢水西源出南野
曰彭水二水皆北流合于贛縣總為豫章水北流入

大江後人因賴字以湖漢水為貢水彭水為章水劉澄之遂以為章貢合流因以名縣失之矣然趙清獻登章貢臺詩云章貢東西派并流作賴川則相承已久非始于劉澄之也

廉泉

水性故自清不清或撓之君看此廉泉五色爛摩尼廉

者謂我廉我

一作何

以此名為有廉則有貪有慧則有癡

誰為柳宗元孰是吳隱之漁父足豈潔許由耳何緇

一作

緇

紛然立名字此水了不知毀譽有時盡不知無盡時

竭來廉泉上捋鬚看鬚眉好在水中人到處相娛嬉

廬泉

方輿勝覽廬泉在虔州治東南隅報恩寺本張氏居宋元嘉中一夕霹靂忽涌地為泉時以歸

功太守名

曰廬泉

塵外亭

楚山澹無塵
賴水清可厲
散策塵外遊
麾一作

揮

手謝此

世山高惜人力
十步輒一憩
却立浮雲端
俯視萬井麗
幽人宴坐處
龍虎為斬薙
馬駒獨何疑
豈墮山鬼計
夜垣非助我
謬敬欲其逝
戲留一轉語
千載起攘袂

塵外亭

注見十六卷

馬駒

即馬祖也注詳十六卷○虔州志馬祖巖上有馬禪閣及雲端

駒巖一憩
塵外四亭

天竺寺

并引

予年十二先君自虔州歸為予言近城山中天竺寺
有樂天親書詩云一山門作兩山門兩寺原從一寺
分東澗水流西澗水南山雲起北山雲前臺花發後
臺見上界鐘清下界聞遙想吾師行道處天香桂子
落紛紛筆勢奇逸墨跡如新今四十七年予來訪之
則詩已亡有刻石存耳感涕不已而作是詩

香山居士留遺跡天竺禪師有故家空咏連珠吟夢壁
已亡飛鳥失驚蛇林深野桂寒無子雨浥山薑病有花

四十七年真一夢天涯流落淚

一作涕

橫斜

天竺禪師

方輿勝覽虔州有天竺寺在水東三里名勝志貢水東舊有修吉寺唐元和間僧韜

光自錢塘天

連珠

慎按唐宣宗吊白居易詩綴玉連珠六十年施氏原注訛以六為三

應改正

過大庾嶺

一念失垢汙身心洞清淨浩然天地間惟我獨也正今

日嶺上行身世永相忘仙人拊我頂結髮受長生

按趙訪東山集跋此詩墨跡後云公中歲始留心佛乘晚節播遷嶺海遂欲學陰長生超然遐舉過嶺詩有云仙人拊我頂云云蓋已信死生禍福非人所為矣以垂老之年當轉徙流離之際而浩然無毫髮顧慮非此事素定于中殆未易能○慎又按仙人拊我頂二句係太白詩先生偶用之不及檢點耳

宿建封寺曉登盡善亭望韶石三首

雙闕浮光照短亭至今猿鳥歎青瑩君王自此西巡狩

再使魚龍舞洞庭

建封寺

失考

雙闕

水經注東江與利水合水出曲江縣之韶石山其石高百仞廣圓五里兩

石對峙相去一里大小略均元和郡縣志韶州科斗
勞水之間有韶石狀如雙闕對峙今呼左闕右闕宋
韶州守方信儒銘曰衡山之陽有舜跡只雙闕岩堯
鎮南國只山川草木麗今昔只韶之有聖猶彷彿只
舞洞庭慎按莊子天運篇北門成問于黃帝曰帝張
咸池之樂于洞庭之野吾始聞之懼復聞之
怠云云王氏舊注因先生詩妄添魚龍
舞焉此四字莊子本文所無為駁正

蜀人文賦楚人辭堯在崇山舜九疑聖主若非真得道
南來萬里亦何為

崇山九疑

元和郡縣志崇山在岳州慈利縣西三十
里太平寰宇記九疑山在衡州藍山縣西

南五
十里

嶺海東南月窟西功成天已錫玄圭此方定是神仙宅
禹亦東來隱會稽

月窟西

長楊賦西廡月窟服虔志嶠音窟月所生也昭明太子大法頌西踰月窟東漸扶桑

會

稽

漢書司馬遷傳上會稽探禹穴楊雄羽獵賦入洞穴出蒼梧注云人從禹穴入從蒼梧出也

月華寺

公自注寺隣岑水場施者皆坑戶也百年間蓋三焚矣

天公胡為不自憐結土融石為銅山萬人探

一作采

斲富

媪泣祇有金帛資豪姦脫身獻佛意可料一瓦坐待千

金還月華三火豈天意至今爰舍依榛菅僧言此地本

龍象興廢反掌曾何艱高巖夜吐金碧氣曉得異石青
爛斑坑流窟發錢湧地莫施百鎰朝千鍰此山出寶以
自賊地脉已斷天應慳我願銅山化南畝爛漫黍麥蘇
惇鰥道人修道要底物破鐺煮飯茅三間

月華寺

余靖遊大峒山記自韶水行七十里得月華
山舍舟道樵徑又十五里至大峒齊東野語

子瞻北歸過月華寺值其改建法堂僧乞坡題梁坡
欣然援筆右梁題歲月左梁題云天子萬年永作神
主歛時五福敷錫庶民地獄天官同歸淨土有性無
性齊成佛道○慎按南遷時寺初被火落成當在元
符之末可
考而知也
岑水塲
張端義貴耳錄韶州岑水塲以滴
水浸銅之地會百萬斤鐵浸爛二

十萬銅兩廣三十六郡皆有所輸或供鉛錫或供銀
錢歲計四五萬緡九域志始興郡曲江縣有靈源石
膏岑水三銀場巾子一銅場名勝志翁源縣有岑水
一名銅水可浸鐵為銅其水極腥惡石色皆赭不生
魚鼈禾稼之屬即曲江膽礬水同源異流也○按張
氏曹氏所載與先生詩語相合九域志以岑水為銀
場者訛銅山管子出銅之山四百六十七張揖廣雅云
天下名山五千二百七十出銅之山四百
六十有七出鐵之金碧氣杜甫詩潤聚金碧
氣清無沙土痕

南華寺

云何見祖師要識本來面
亭亭塔中人問我何所見可
憐明上座萬法了一電飲水既自知
指月無復眩我本

修行人三世積精鍊中間一念失受此百年譴摠衣禮
真相感動淚雨霰借師錫端泉洗我綺語硯

南華寺

傳法正宗記六祖慧能俗姓盧新興人少孤及長采薪供母一日聞客讀經至應無所住

而生其心問曰此法得于何人客曰此名金剛經得于黃梅忍大師師遽告其母即趨五祖抵韶州處寶林寺舊基既得法後返曹溪唐景龍元年詔改寶林為中興寺又贈額曰法泉今南華寺是也高僧傳六祖捨新興舊宅為國恩寺神龍二年賜額法泉宋太平興國三年重建塔改名南華寺明上座傳燈錄道明禪師聞五祖付衣鉢與盧行者即躡迹追至庾嶺曰我來求法願行者開示祖示曰不思善不思惡正恁麼時那個是明飲水楞嚴經如人飲水上座本來面目明當下大悟飲水冷水煖自知真

相傳法正宗記六祖于睿宗先天元年示寂塔真身于曹溪柳子厚碑記憲宗元和十年賜六祖謚曰

大鑒塔錫端泉南華志寺中有杖錫泉

曰靈照

碧落洞

公自注在英州下十五里

槎牙亂峯合晃蕩絕壁橫遙知紫翠間古來仙釋并陽
崖射朝日高處連玉京陰谷叩白月夢中遊化城果然
石門開中有銀河傾幽龕入窈窕別戶穿虛明泉流下
珠琲乳湔交縵纓我行畏人知恐為仙者迎小語輒響
答空山自雷一作白雲驚策杖歸去來治具煩方平

碧落洞

始興志瀧頭水源出翁山至英州城南與瀧水合岸旁有碧落洞石室深邃懸石如麾旌

有道人脩鍊于此後尸解蛻骨因名蛻仙臺唐周夔難到篇周羽皇游于南喬得湏陽之石室崆峒見月于半夜翠實生雲于朝日乳枝凝露而碧落松賴疎風而瑟瑟石門開茅山志茅山云華陽洞天便門也自左元白雲驚詩眼云東坡小故仙去閑閱千年至是復開白雲驚語輒響答空山白雲驚此二語全類太白今印本訛作自雷驚不但無意味兼與上句重疊

附程正輔次韻

粵從渡嶺來日見亂山橫觸目皆荒涼寧復樂事

并誰謂亂山間仙境通玉京奇怪如雁蕩清虛勝

赤城嵌高幽且深層曲無欹傾巨室萬仞高天造
妙難明懸崖攢滴乳澗水清濯纓我來洞門開山
意如相迎熟視石壁字神清喜忽驚回思紫陽山
追隨許宣平

按程正輔名之才時為嶺南監司先生表兄也唱
和詩世多不傳此首從廣東舊志采出附錄于此
何公橋

天壤之間水居其多人之往來如鷁在河順水而行雲
馳鳥疾維水之利千里咫尺亂流而涉過膝則止維水

之害咫尺千里汚彼濫觴蛙跳儵游溢而懷山神禹所
憂豈無一木支此大壞舞于盤渦水折雷解坐使此邦
畫為兩州雞犬相聞胡越莫救允毅何公甚勇于仁始
作石梁其艱其勤將作復止更此百難公心如鐵非石
則堅公以身先民以悅使老壯負石如負其子疏為玉
虹隱為金隄直欄橫檻百賈所栖我来與公同載而出
謹呼填道抱其馬足我嘆而言視此滔滔未見剛者孰
為此橋願公千歲與橋壽考持節復來以慰父老如朱

仲卿食於桐鄉我作銘詩子孫不忘

何公橋

洪容齋三筆英州小市江水貫其中舊架木為橋數年輒為水壞郡守建安何智甫始疊

石為之方成而東坡還自海外何求文以記坡作詩四言詩一首凡五十六句今載後集第八卷予侍親居英與僧希賜遊南山步過橋上讀詩碑希賜曰真本藏何氏此有石刻經黨禁亦不存今以板刻之乃希賜所書也賜因言何公初請記時坡為賦此詩既大書矣而未遣送郡何復來謁坡曰軾未到橋所難以想像落筆何即命具食拉公偕往坡曰使君是地主宜先升車何謝不敢乃並輜而行既至坡曰正堪作詩抵暮送與之坡公作詩時建中靖國元年辛巳予聞希賜語時紹興十七年丁卯相去四十六年云

云
莫救

按玉篇廣韻救字皆去聲無叶平韻者今與州字叶似從平韻不知何据

金隄

漢書

溝洫志注金隄河隄
名也在東郡白馬界

慎按施氏原本何公橋詩編碧落洞之後此
必紹聖初作容齋以為建中靖國元年作恐
未足据新刻本載續補卷末今改正以存施
本之舊又按廣東舊志云何公橋熙寧間建
郡守何智甫志以為何智茂當以容齋三筆
為正

峽山寺

公自注傳奇所記孫恪袁氏事
即此寺至今有人見白猿者

天開清遠峽地轉凝碧灣我行無遲速攝衣步屨顏山
僧本幽獨乞食況未還雲碓水自舂松門風為闌石泉
解娛客琴筑鳴空山佳人劍翁孫游戲暫人間忽憶嘯
雲侶賦詩留玉環林深不可見霧雨霾一作埋髻鬟

峽山寺

廣東舊志載峽山寺記云二禺穹窿對峙如
劈太華東隘江流茅君傳稱為第十九福地

梁普通元年峽有二神化為居士夜叩舒州延祥寺
真俊禪師寢室曰峽山據清遠上流吾欲建一道場
師居之乎真唯諾中夜風雨大作遲明啟戶寺已移
置峽山郡邑上其事賜額曰至德宋時改飛來寺

清遠峽

元和郡縣志觀亭山一日觀峽一名中宿峽
太平寰宇記觀亭山一名觀峽山吳萊南海

古跡記中宿峽一日峽山凝碧灣名勝志清遠峽前在清遠縣東山對峙江中有凝碧灣其水紺

碧賦詩留環

峽山寺記唐廣德中孫恪在洛中納袁姓女為室後攜至此素持一碧玉環獻

老僧曰是此寺舊物僧初不曉尋有野猿數十捫蘿而躍袁氏惻然因題詩曰無端變化幾湮沈剛被思情役此心不如逐伴歸山去長嘯一聲煙霧深遂裂衣化猿而去老僧方悟昔年所養白猿玉環則胡人所施以係其頸者也

散郎亭

法花下有散郎亭老樹荒崖如有情歡戚已隨時事去

壁間只有古人名

柏家渡

柏家渡西日欲落青山上下猿鳥樂欲因新月望吳雲
遙看北斗掛南岳一夢惛惛四十秋古人不死終未休
草舍蕭條誰與語香風吹過白蘋洲

慎按以上二詩施氏原本俱不載据外集載
南遷卷中今從續補上下卷移編

清遠舟中寄耘老

小寒初度梅花嶺萬壑千巖背人境清遠聊為泛宅行

一夢分明墮鄉井，覺來滿眼是湖山。
鴨綠波搖鳳凰影，海陵居士無雲梯。
歲晚結廬潁水湄，山腰自懸蒼玉珮。
野馬不受黃金羈，門前車蓋獵獵走。
笑倚清流數鬚絲，汀洲相見春風起。
白蘋吹花散煙水，萬里飄蓬未得歸。
目斷滄浪泪如洗，北雁南來遺素書。
苦言大浸沒我廬，清齋十日不然鼎。
曲突往往巢龜魚，今年玉粒賤如水。
青銅欲買囊已虛，人生百年如寄耳。
七十朱顏能有幾，有子休論賢與愚。
倪生枉欲帶經鋤，天南看取東坡叟。

可是平生廢讀書

慎按賈耘老吳興人初無結廬潁水之事若
溪漁隱謂耘老有水閣于茗溪之上吳興掌
故集云賈收所居名浮暉閣人因稱為浮暉
老人亦未嘗有海陵居士之稱此詩施氏原
本不載新刻載續補上卷今因地附編

舟行至清遠縣見顧秀才極談惠州風物之美

到處聚觀香案吏此邦宜著玉堂仙江雲漠漠桂花濕

梅雨脩脩荔子然聞道黃柑常抵鵲不容朱橘更論錢
恰從神武來弘景便向羅浮覓稚川

清遠縣

漢書地理志南海郡有中宿縣元和郡縣志
縣東有中宿峽梁武帝于此置清遠郡中宿

縣屬焉隋廢郡置縣九域志清
遠縣在廣州西北二百四十里惠州
元和郡縣志秦

循州輿地廣記五代時南漢改曰潯州而別立循州

于北境太平寰宇記潯州本循州舊理偽漢劉龔移

循州于雷鄉縣于歸善縣置潯州天禧

中避仁宗諱改惠州西至廣州四百里羅浮覓稚川

晉書葛洪字稚川句容人以年老欲煉丹以祈遐壽

聞交趾出丹砂求為勾漏令行至廣州刺史鄧嶽留

不聽去洪乃止羅浮煉丹在山積年後忽與嶽疏曰

當遠行尋師尅期便發嶽得疏往別而洪坐至日中

兀然若睡而卒時年八十一人以為尸解得仙云○
慎按稚川至廣州時年已老尋卒于羅浮未嘗至勾
漏也本傳敘次甚明而北流志云洪為勾漏令于寶
圭峒修煉成仙雖州志則云洪訪羅山修煉後游勾
漏而去先生與王定國書亦云稚川求為勾漏令而
竟化于廣州諸說紛紛與本傳不合當從晉書為是

廣州蒲澗寺

公自注地產菖蒲十二節相傳安期生之所居秦始皇訪之于此

不用山僧導我前自尋雲外出山泉千章古木臨無地

百尺飛濤瀉漏天昔日菖蒲方士宅後來蒼蘆祖師禪

而今只有花含笑笑道秦皇欲

一作好

學仙

公自注山中多含笑花

廣州

元和郡縣志秦南海郡漢屬交趾刺史吳孫皓時置廣州太平寰宇記嶺南道廣州南海軍節

度治南海縣北至韶州五百里

蒲澗寺

顧微廣州記熙安縣東北有菖蒲澗太平寰宇記引裴氏

廣州記云蒲澗水從盤石上過甘冷異于常流廣州舊志番禺縣有玉虹洞南曰聚龍崗東北六十里有

蒲澗寺在白雲山

漏天

任昇梁益記大小漏天在雅州西北太平寰宇記邛都縣

麓淳化元年建

漏天夏

菖蒲

嵇含南方草木狀番禺東有澗澗中生秋常雨菖蒲皆一寸九節安期生采服仙去但

留玉

方士宅

南越志宋咸平中姚成甫于蒲澗側遇一大夫曰此菖蒲安期生所餌可以忘

老今俗以七月二十五日安期生上昇相率為蒲澗之游履綦錯

祖師禪

記達摩念

震旦緣熟行化時至乃泛重溟三周寒暑達于南海梁普通元年九月二十一日也廣州刺史蕭昂迎禮

聞表

贈蒲澗信長老

優鉢曇花豈有花問師此曲唱誰家已從子美得桃竹
公自注此山有桃竹可作杖而
主人不識予始錄子美詩遺之
不向安期覓棗瓜燕坐
林間時有虎高眠粥後不聞鴉勝游自古兼支許為采
松肪寄一車

優鉢曇

翻譯名義集優曇鉢羅此云瑞應閣浮提內有尊樹王名優曇鉢有寶無華若優曇鉢有

金華者世乃有佛太平寰宇記廣州產優曇鉢似枇杷無花而實

慎按施氏原本題云贈蒲澗信長老新刻及諸本俱脫去信字今補存

發廣州

朝市日已遠此身良自如三杯軟飽後

公自注浙人謂飲酒為軟飽

一枕黑甜餘

公自注俗謂睡為黑甜

蒲澗疎鐘外黃灣落木初天

涯未覺遠處處各樵漁

浴日亭

公自注在南海廟前

劍氣崢嶸夜挿天瑞光明滅到黃灣坐看暘谷浮金暈
遙想錢塘涌雪山已覺滄涼蘇病骨更煩沆瀣洗衰顏
忽驚鳥動行人起飛上千峰紫翠間

浴日亭

山海經大荒之中暘谷有扶桑木十日所浴九日居上枝一日居下枝廣州志浴日亭在

扶胥鎮

海神廟之右小山屹立亭冠其上俯瞰大海

夜半日漸

自東海出故名後改名拱日去廣州東南

八十里名

勝志城南江中有海珠石是日珠江東過

蜺江滙于

南海廟前海隅日出水中見之是謂波羅

江南海廟

廣州志南海廟荆自隋時唐天寶間封海神為廣利王元和十一年韓愈撰碑文廣

州刺史孔戣立按海神姓祝名赤

附劉克莊追和浴日亭韻

從後村居士集采出

亭旁喬木拂雲天亭下高梳泊晚灣白是張騫曾

泛水青疑徐福所求山羊城隔霧愁回首鯨浸收

風喜見顏却笑金烏并玉兔辛勤出沒雪濤間

游羅浮山一首示兒子過

人間有此白玉京羅浮見日雞一鳴

公自注劉夢得有詩記羅浮夜半見

日事山不甚高而夜見日此可異也

南樓未必齊日觀鬱儀自欲朝朱明

公自注山有二石樓今延祥寺在南樓下朱明洞在冲虛觀後云是蓬萊第七洞天

東坡之師抱

樸老真契久已交前生玉堂金馬久流落寸田尺宅今

誰耕道華亦嘗啖一棗

公自注唐永樂道士侯道華竊食鄧天師藥仙去永樂有無核

衆人不可得道華獨得之予在岐下亦嘗得食一枚

契虛真欲仇三彭

公自注唐僧契虛遇

人導游稚川仙府真人問曰汝絕三彭之仇乎契虛不能答

鐵橋石柱連空橫

公自注山

有鐵橋石柱人罕至者

杖藜欲趁飛猿輕雲溪夜逢瘖虎伏

公自注山

有啞虎

斗壇畫出銅龍瘳

公自注冲虛觀後有朱真人朝斗壇近于壇土獲銅龍六

銅魚一按瘳別本作吟訛

小兒少年有奇志中宵起坐存黃庭近者

戲作凌雲賦筆勢彷彿離騷經負書從我盍歸去羣仙

正草新宮銘汝應奴隸蔡少霞我亦李孟山玄卿

公自注唐

有夢書新宮銘者云紫陽真人山玄卿撰其略曰良常西麓原澤東泄新宮宏宏崇軒轅轅又有蔡少霞者夢人遣書碑略曰昔乘魚車今履瑞雲躅空仰途綺輅輪囷其末題云五雲書閣吏蔡少霞書

還須略

報老同叔羸糧萬里尋初平

公自注子由一字同叔

羅浮

太平寰宇記羅浮山在博羅縣又引南越志云增城縣東有羅浮山浮水出焉是為浮山與羅

山並體故曰羅浮嶺尖之峰四百四十二上則三峰爭疎各五六十仞北通勾曲之山即茅君內傳云第

七洞名朱明耀真之天璇房瑤室七十有二泉源之府九百八十有三徐道覆羅浮山記山在增城博羅

二縣界有七十二長溪鄒師正羅浮指掌圖山高三十六百大袁直五百里又云飛雲峰夜半見日出上

有見鬱儀朝朱明雲笈七籤有鬱儀結璘奔日月日庵鬱儀朝朱明圖又有鬱儀奔日赤景玉文石

樓羅浮指掌圖山有大小石樓相去五里重檐四柱如樓登之可見日出樓前石門方廣可容几席太

平寰宇記引裴淵廣州記云羅浮二山隱天惟石樓一路可登朱明山志朱明洞在冲虛觀後周迴

五里夜半見日名曰朱明耀真之天羅山青精先生
朱靈芝所治靈芝漢大宛人事太素真人受青精飯

之方餌之為太**冲虛觀**羅浮志冲虛觀在羅浮之西

極仙卿治此洞**冲虛觀**延祥寺東七里即葛仙翁所

居東坡書葛**道華**續仙傳侯道華自言峨眉山來泊

洪仙竈四字**道華**于河中永樂觀殿梁上或有神光

相傳開元中有鄧天師嘗煉丹成人不取服藏之于

殿梁道華登梁復見神光于梁上陷中鑿木得一合

三重內有小金合子有丹遂吞之擲下**鐵橋**羅浮指

其合後揮手謝道俗隱隱凌雲而去**鐵橋**掌圖鐵

橋峰在羅浮二山相**瘖虎**山志啞虎洞在朱明洞側

接處是為泉源福地**瘖虎**有黃野人者得葛洪遺丹

服之成仙啞**斗壇**指掌圖朝斗壇**新宮銘**良常西麓

虎為之守門**斗壇**在朱明洞口**新宮銘**源澤東泄

新宮宏宏崇軒轍轍雕珉盤礎鏤檀竦案碧瓦鱗差

瑤階肪截閣疑瑞霧樓橫祥霓騶虞巡檄昌明捧闌

珠樹規連玉泉矩洩靈颺遐集聖日俯晰太上游儲
無極便闕百神守護諸真班列仙翁鵠立道師永潔
玉成漿饌瓊為糜屑桂旗不動蘭幄互設妙樂競奏
流鈴間發天籟虛徐風簫冷徹鳳歌諧律鶴舞應節
三變玄雲九成絳雪易遣徒語童初詎說如毀乾坤
自有日月清寧二百三十一一年四月十二日建○右
新宮銘全文載容齋隨筆中云山玄卿之文嚴整
高妙非嵇叔夜李太白之流不能今全錄以備考

少霞

薛用弱集異記少霞陳留人幼而奉道早歲明
經得第再授兗州泗水丞遂于縣東買山為終

焉之計後修道尤力元和
初物故鄭還古為立傳

慎按容齋隨筆云東坡遊羅浮詩其末乃云負書從
我盍歸去羣仙正草新宮銘汝應奴隸蔡少霞我亦
季孟山玄卿自注云云按集異記所載蔡少霞夢人
召去令書碑題云蒼龍溪新宮銘紫陽真人山玄卿

撰其詞三十八句不聞有五雲閣吏之說魚車瑞雲
四語乃逸史載陳幼霞事後云蒼龍溪主歐陽棊撰
蓋坡公訛以陳幼霞為蔡少霞耳

附子由次韻

客迷墮澗逢玉京雲行天喬風號鳴暗中過盡石
髓滑驚喜觀闕朝霞明東坡南去類此客擠者力
盡非求生偶然瀕海少氛氣復有福地容躬耕諸
侯歷聘謝魯叟茅簷宴坐師老彭天樞旋結日珠
重人寰下視鴻毛輕俗緣漸覺冰雪解元氣乍復

蛟虬獍遠遊脫屣入蓋竹初怪長史留家庭後來
玉斧小兒子亦入真誥參仙經試令子弟學諸許
還家不用劍閣銘洞天聞亦有圖籍但恐未免如
公卿此心願與世無事不願與世平不平

十月二日初到惠州

彷彿曾遊豈夢中欣然雞犬識新豐吏民驚怪坐何事
父老相攜迎此翁蘇武豈知還漠北管寧自欲老遼東
嶺南萬戶皆春色

公自注嶺南萬戶酒

會有幽人客寓公

慎按宋史哲宗本紀紹聖元年六月侍御史來之邵等疏蘇軾詆斥先朝罪再謫惠州王宗稷所編年譜先生以十月三日到惠州此詩題云二日存以備考

附唐庾東坡先生貶惠州作

元氣脫形數運動天地內東坡未離人豈比元氣
大天地不能容伸舒輒有礙低頭不能仰閉口焉
敢咳東坡坦率老局促應難耐何當與道俱逍遙
天地外

寓居合江樓

海山

一作上

蔥朧氣佳哉二江合處朱樓開蓬萊方丈應

不遠肯為蘇子浮江來江風初涼睡正美樓上啼鴉呼

我起我今身世兩相違西流白日東流水樓中老人日

清新天上豈有癡仙人三山咫尺不歸去一杯付與羅

浮春

公自注予家釀酒名羅浮春

合江樓

名勝志東江源自江西贛州經龍川縣東遶白鶴峰之陰至惠州城東亦謂之龍川江西

江自九龍山西南經虎頭門入海其匯流處有合江樓流至石灣西南經虎頭門入海其匯流處有合江樓即府城之東門樓也危太樸東坡書院記公初至惠州寓居合江樓數日遷嘉祐寺

惠州靈惠院壁間畫一仰面向天醉僧云是蜀僧

隱巖

一作巖

所作題詩於其下

直視無前氣吐虹五湖三島在胸中相逢莫怪不相揖
只見山僧不見公

慎按此詩題一本云題靈峰寺壁施氏原本
不載今從新刻續補下卷因地移編

白水山佛跡巖

公自注羅浮之東麓也
在惠州東北二十里

何人守蓬萊夜半失左股浮山若鵬蹲忽展垂天羽根

株互連絡崖嶠爭吞吐神工自爐鞴融液相綴補至今
餘隙罅流出千斛乳方其欲合時天匠麾月斧帝觴分
餘瀝山骨醉后土峰巒尚開闔閭谷猶呼舞海風吹未
凝古佛來布武當時汪罔氏投足不蓋拇青蓮雖不見
千古落花雨雙溪滙九折萬馬騰一鼓奔雷濺玉雪潭
洞開水府潛鱗有飢蛟掉尾取渴虎我來方醉後濯足
聊戲侮回風卷飛電掠面過強弩山靈莫惡劇微命安
足賭一作觀訛此山吾欲老慎勿厭求取谿流變春酒與我

相賓主當連青竹竿下灌黃精園

佛跡巖

廣東舊志石鼓嶺在博羅縣北又二十里為象山其相連者為白水山旁有巨人跡謂之

佛跡巖

其西有佛跡院唐子西記云巨人跡長三肘量濶稱之散印于巖石之上深者二寸許

蓬萊

太平寰宇記

浮山本名蓬萊山一峯在海中與羅山合羅浮志浮山乃蓬萊之一島堯時自會稽浮海而

至餘瀝

晉書陸納傳今有一斗以脩杯杓餘瀝劉峻廣絕交論露玉竿之餘瀝

雙溪

羅浮

志鐵橋

峰有石如梁湍水出焉分東西流注于潭又南注于淵五龍所蟠謂之神湖羅浮指掌圖泉源山

在羅浮二山

接連處俗呼為分水凹下接龍王坑

潛鱗

唐子西語錄東坡詩序事言簡而意盡惠

州有潭潭有潛蛟人未之信也虎飲水其上蛟尾而食之俄而浮骨水上人方知之東坡以十字說盡云

潛鱗有饑蛟掉尾取渴虎虎著渴字便知黃精博物
虎以飲水而召災言飢則知蛟食其肉矣黃精志太
陽之草名曰黃精餌之可以長生世傳華佗漆葉青
黏散云青黏乃黃精之正葉者抱朴子仙藥篇黃精
名兔竹一名垂珠服其華
勝其實服其實勝其根

咏湯泉

公自注在
白水山

積水焚大槐蓄油災武庫驚然丞相井疑浣將軍布自
憐耳目隘未測陰陽故鬱攸火山烈威沸湯泉注豈惟
渴獸駭坐使癡兒怖安能長魚鼈僅可燂狐兔山中惟
木客戶外時芒屨雖無傾城浴幸免亡國污

湯泉

唐子西湯泉記佛跡院中涌出二泉其東湯泉其西雪如泉二泉相去步武而東泉熱甚不堪

觸指以西泉解之纔適沐浴此物理之不可解者

自笑一首

子石如琢玉遠烟真削鑿入我病風手

公自注古語云磨墨如病風手

玄雲滄萋萋

別本作
妻者訛

是中有何好而我喜欲迷既似蠟

屐阮又如鍛柳嵇醉筆得天全宛宛天投蜺多謝中書

君伴我此幽棲

無題

六秩行當啟區中緣更疎不貪為我寶安步當君車故
國多喬木先人有敝廬誓將間散好不著一行書

慎按先生南遷時年五十九故此詩首句云
六秩行當啟施氏原本不載今從續補下卷

移編

朝雲詩

并引

世謂樂天有粥駱馬放楊柳枝詞嘉其主老病不忍
去也然夢得有詩云春盡絮飛留不得隨風好去落

誰家樂天亦云病與樂天相伴任春隨樊子一時歸
則是樊素竟去也予家有數妾四五年相繼辭去獨
朝雲者隨予南遷因讀樂天集戲作此詩朝雲姓王
氏錢唐人嘗有子曰幹兒未期而夭云

不似楊枝別樂天恰如通德伴伶玄阿奴絡秀不同老
天女維摩總解禪絳卷藥爐新活計舞衫歌扇舊因緣
丹成逐我三山去不作巫陽雲雨仙

舞衫歌扇

容齋三筆唐人好以歌扇舞衣為對李義山鏤月為歌扇裁雲作舞衣劉希夷池月

憐歌扇山雲愛舞衣老杜亦云江清歌扇底野
曠舞衣前儲光義云竹吹留歌扇蓮香入舞衣
巫陽

雲雨仙

藝苑雌黃云東坡嘗令朝雲乞詞于少游少
游作南歌子贈之云靄靄迷春態溶溶媚曉

光不應容易下巫陽只恐翰林前世是襄王
暫為清歌住還因春雨忙瞥然歸去斷人腸
空使蘭臺公子

賦高唐先生結二

句似因此詞翻案

按茗溪漁隱叢話云東坡朝雲詩詩意絕佳
善于為戲略去洞房之氣味翻為道人之家
風非若樂天所云櫻桃樊素口楊柳小蠻腰
但自詭其佳麗也○慎按樂天集有別楊柳
枝詩云愁與樂天相伴住春隨樊子一時還
並無小蠻之名

寄虎兒

獨倚桄榔樹間挑畢撥根謀生看拙否送老此蠻村

桄榔

南方草木狀桄榔似栟櫚實皮中有屑如麵多者至數斛木性如竹紫黑色有紋理北戶錄桄

榔與椰子櫟榔

畢撥

南方草木狀蒟醬畢撥也生于蕃國者大而紫謂之畢撥生于

小異木如莎樹

番黑者小而青謂

之蒟多種蔓生

十一月二十六日松風亭下梅花盛開

春風嶺上淮南村昔年梅花曾斷魂

公自注予昔赴黃州春風嶺上見梅

花有兩絕句明年正月往岐亭道上賦詩云去年今日關山路細雨梅花正斷魂

豈知流落復

相見蠻風蚤雨愁黃昏長條半落荔支浦卧樹獨秀桄

柳園豈惟幽光留夜色直恐冷艷排冬溫松風亭下荆
棘裏兩株玉蕊明朝暎海南仙雲嬌墮砌月下縞衣來
扣門酒醒夢覺起繞樹妙意有在終無言先生獨飲勿
歎息幸有落月窺清尊

松風亭

名勝志松風亭在惠州學舍之東昔為嘉祐寺之故址

春風嶺

張文潛明道雜

志自新息縣東門渡淮後入光州境皆大山峻嶺其
著者曰驢笑門限春風皆嶺名也方輿勝覽春風嶺
在麻城縣治東玉蕊雍錄玉蕊名鄭花唐昌觀玉蕊
嶺上多梅故名花長安惟有一株黃山谷名之
曰山礬○按先生詩不過借此二字以形容梅花之
白耳曹能始于惠州條下引先生此詩乃云松風亭

有玉蕊花所謂癡
人前不可說夢也

附晁无咎次韻

霜晴十月玉溪村見梅早開客迷魂山阿若有人
含睇踟望不到烟霄昏東南野寺通兩徑上下竹
籬開一園落身麴蘖盆盎裏晨坐對花無酒溫歸
來山月照玉蕊一杯竟卧東方暾羅浮幽夢入仙
窟有屨亦滿先生門欣然得句荔支浦妙絕不似
人間言詩成莫嘆形對影尚可邀月成三尊

按朱紫陽有次韻三首
非嶺外所作故不附錄

再用前韻

羅浮山下梅花村玉雪為骨冰為魂紛紛初疑月掛樹
耿耿獨與參橫昏先生索居江海上悄如病鶴棲荒園
天香國豔肯相顧知我酒熟詩清溫蓬萊宮中花鳥使綠

衣倒掛扶桑暎

公自注嶺南珍禽有倒掛子綠衣紅喙如鸚鵡而小自海東來非塵埃中物也

抱

叢窺我方醉卧故遣啄木先敲門麻姑過君急掃灑

一本作灑

掃

鳥能歌舞花能言酒醒人散山寂寂惟有落蕊黏空尊

梅花村

名勝志飛來峰在羅浮山東南其下有梅花村隋趙師雄過此見美人淡粧素服遂與共

飲醉寐及醒乃在梅花樹下惠州志

參橫昏

容齋隨筆今人

梅花詩詞多用參橫字蓋出柳子厚龍城錄所載趙師雄事然此妄書或以為劉無言作其語云東方已白月落參橫且以冬半視之黃昏時參已見至丁夜則西沒矣安得將旦而橫乎少游詩月落參橫畫角哀承此訛也惟坡云耿耿獨與參橫昏乃為精當老杜天橫醉後參蓋初秋作也

附晁无咎再次韻

幽閒合出昭君村芳潔恐是三閭魂無人嶺上更
儂好不與俗花名合昏蒼官森出劒珮列甲夫密

裏旗槍園數株凌冰欲仙去一笑向人如玉溫火
維草木百名字十月不冷常炎暎同心紫蒂宜上
苑啄人虎豹如司門借令驛使能遠致要比桃李
終無言豈惟千里共明月亦可千里同芳尊

新釀桂酒

搗香篩辣入瓶盆盞盞春溪帶雨渾收拾小山藏社壘
招呼明月到芳尊酒材已遣門生致菜把仍叨地主恩
爛煮葵羹斟桂醕風流可惜在蠻村

搗篩

法華經好求藥草色香美味皆悉具足搗篩和合與子令服

瓶盆

禮記盛于盆尊于瓶

小山明月

暗用淮南叢桂及天上月中桂子事非泛設也

社壺

羅隱詩會待與君開社壺

滿船載月鏡中行

惠守詹君見和復次韻

已破誰能惜甌盆
頽然醉裏得全渾
欲求公瑾一倉米
試滿莊生五石尊
三杯外困忘家事
萬戶春濃感國恩
刺史不須要半道
籃輿未暇走山村

詹守

惠州志詹範字器之建安人紹聖間知惠州時兵荒之後野多暴骨範取而掩之為叢冢焉

花落復次前韻

玉妃謫墮烟雨村先生作詩與招魂人間草木非我對
奔月偶桂成幽昏閣香入戶尋短夢青子綴枝留小園
披衣連夜喚客飲雪膚滿地聊相溫松明照坐愁不睡
井華入腹清而嗽先生來年六十化道眼已入不二門
多情好事餘習氣惜花未忍都無言留連一物吾過矣
笑領百罰空壘尊

偶桂

謂與桂為配也
別本作掛者訛

松明

本集有夜燒松
明火詩見後

按詩人玉屑云東坡嗽字三首皆擺落陳言
古今人未嘗經道者三首並妙第二首尤奇

附晁无咎次韻

梅花落盡上饒村腸斷子規啼月魂慰人獨有白
玉蕊不到窗前只醉昏坐鑪環壺不舉首浮花浪
蕊空滿園海山有客心似水揮塵自散炎洲溫松
風亭下亦如夢不見枝雪流初暎孫登一絃百韻
足有山便足同蘇門似聞對客但長嘯獨為此花
終日言一篇尚可三致意聽人酌去如衢尊

江郊并引

惠州歸善縣治之北數步抵江少西有盤石小潭可
以垂釣作江郊詩云

江郊蔥朧雲水蒨絢碕岸斗入洄潭輪轉先生悅之布
席間燕初日下照潛鱗俯見意釣忘魚樂此竿綫優哉
悠哉玩物之變

歸善縣

元和郡縣志漢博羅縣地宋于此置歸善縣
梁屬梁化郡隋開皇十年廢郡以屬循州太

平寰宇記秦漢龍川縣地唐貞觀九年省龍川入
歸善縣移治白鶴峰之陽今屬惠州城北有釣潭玩

物之變

繫辭居則觀其象而玩其辭動則觀其變而玩其占

詹守攜酒見過用前韻作詩聊復和之

箕踞狂歌老瓦盆
燎毛燔肉似羌渾
傳呼草市來攜客
灑掃漁磯共置尊
山下黃童爭看舞
江干白骨已銜恩

公自注時詹方議莖暴骨

孤雲落日西南望
長羨歸鴉自識村



蘇詩補註卷三十八

欽定四庫全書

集部

蘇詩補註卷三十九

詳校官庶吉士_臣李傳熊

檢討_臣何思鈞覆勘

總校官原任中允_臣王燕緒

校對官中書_臣王家賓

謄錄監生_臣李敦源

欽定四庫全書

蘇詩補註卷三十九 翰林院編修查慎行撰

古今體詩七十四首

紹聖二年乙亥在惠州作

寄鄧道士

并引

羅浮山有野人相傳葛稚川之隸也鄧道士守安山
中有道者也嘗於菴前見其足跡長二尺許紹聖二
年正月二日予偶讀韋蘇州寄金椒山中道士詩云
今朝郡齋冷忽念山中客澗底東荆薪歸來煮白石

遙持一樽酒遠慰風雨夕落葉滿空山何處尋行迹
乃以酒一壺依蘇州韵作詩寄之

一杯羅浮春遠餉采薇客遙知獨酌罷醉卧松下石幽
人不可見清嘯聞月夕聊戲菴中人空飛本無迹

鄧守安

字道立時居羅浮道院見
本集與王敏中尺牘中

慎按先生手書此詩石刻清嘯
聞月夕聞字作聞今從施氏本

上元夜

公自注
惠州作

前年侍玉輦端門萬枝燈壁月掛杲愚珠星綴觚稜去

年中山府老病亦宵興牙旗穿夜市鐵馬響春冰今年
江海上雲房寄山僧亦復舉膏火松間見層層散策枕
榔林林疎月鬢髻使君置酒罷簫鼓轉松陵狂生來索
酒

公自注賈道人

一舉輒數升浩歌出門去我亦歸曹騰

侍玉輦

癸酉上元侍晏樓上詩見三十六卷

附子由次韵

誰憐東坡老獨看南海燈故人隱山麓燕坐銷牀
稜人生大運中往返成廢興炎起燬下薪凍合瓶

中水賴有不變處寂如方定僧建城亦巖邑燈火
高下層頭陀舊所識天寒髮鬪髻問我何時來嗟
哉谷為陵幸此米方賤日食聊一升夜行隨衆樂
舖糟共騰騰

正月二十四日與兒子過賴仙芝王原秀才僧曇
穎行全道士何宗一同游羅浮道院及棲禪精舍
過作詩和其韵寄邁迨一首

斷橋尋勝踐脫屣欣小揭瘴花已繁紅官柳尤疎細斜

川二三子悼嘆吾年逝淒涼羅浮館風壁頽雨砌黃冠
常苦飢迎客羞破袂仙山在何許歸鶴時墮毳崎嶇食
松黃欲救齒髮弊坐令禪客笑一夢等千歲棲禪晚置
酒蠻果粲蕉荔齋厨釜無羹野餉籃有蕙嬉游趁時節
俯仰了此世猶當洗業障更作臨水禊寄書陽羨兒並
語長頭弟門戶各努力先期畢租稅

賴仙芝

虔州布衣時從東坡游見詩話總龜

王原

字子直亦虔州人號鶴田山人見年譜中

正月二十六日偶與數客野步嘉祐僧舍東南野

人家雜花盛開扣門求觀主人林氏媼出應白髮
青帟少寡獨居三十年矣感嘆之餘作詩記之

縹蒂細枝出絳房綠陰青子送春忙涓涓泣露紫含笑
焰焰燒空紅佛桑落日孤煙知客恨短籬破屋為誰香
主人白髮青帟子美詩中黃四娘

嘉祐僧舍

危素東坡書院記紹聖二年三月公自嘉祐寺復遷合江樓四月復遷嘉祐寺紫

含笑

山中多含笑花見蒲澗詩自注紅佛桑南方草木狀朱槿花枝葉皆如桑葉光而厚樹

高止四五尺自二月開花至仲冬其花深紅色大如蜀葵上綴金色日光所爍疑若燄生

龍尾

一作虎訛

石研寄猶子遠

皎皎穿雲月青青出水荷文章工點點忠義老研磨偉
節何須怒寬饒要少和吾衰安用此寄與小東坡

公自注遠

為人類予

點點

音儼草書勢點相連也

贈王子直秀才

萬里雲山一破裘杖端閒挂百錢游五車書已留兒讀

二頃田應為鶴謀

公自注子直住鶴田山

水底笙歌蛙兩部山中

奴婢

茗溪漁隱叢話婢作隸

橘千頭幅巾我欲相隨去海上何人

識故侯

王子直

即王原也同時又有王向亦字子直侯官人覽者辨之

按茗溪叢話蘇子瞻嘗兩用孔稚圭鳴蛙事如水底笙歌蛙兩部山中奴隸橘千頭雖以笙歌易鼓吹不碍其意同至于已遣亂蛙成兩部則不知為何物亦是歇後語蓋用事寧與出處語小異而意同不可盡牽出處語而意不顯也大是語病

惠州近城小山類蜀道春與進士許穀野步會意處飲之且醉作詩以記適參寥專使欲歸使持此

以示西湖之上諸友庶使知予未嘗一日忘湖山也

夕陽飛絮亂平蕪萬里春前一酒壺鐵化雙魚沈遠素
劍分二嶺隔中區花曾識面香仍好鳥不知名聲自呼
夢想平生消未盡滿林烟月到西湖

鐵化雙魚

南史林邑傳日南夷帥范幼家奴嘗牧牛于山澗得鯉魚二化而為鐵

慎按此詩施氏原本失載新刻本載續補下
卷今考据時地移編于此

真一酒 并引

米麥水三一而已此東坡先生真一酒也

撥雪披雲得乳泓蜜蜂又欲醉先生

公自注真一色味頗類予在黃州日

所醞蜜酒也

稻垂麥仰陰陽足器潔泉新表裏清曉日著顏

紅有暈春風入髓散無聲人間真一東坡老與作青州

從事名

真一酒

本集寄建安徐得之真一酒法云嶺南不禁酒近得一釀法用白麴糯米清水三物釀成

玉色絕似王駙馬家碧玉香白麴乃上等麴如常法起酵作蒸餅蒸熟後以竹篾穿挂風中兩月後用每

料不過五斗每米一斗炊熟急水淘過控乾擣細白
麪末三兩拌勻入甕使有力者以手拍實按中為井
子上廣下銳于三兩末中預留少許糝蓋醅面候漿
水滿其中以刀劃破更炊新飯投之每斗投三升令
入井子中以醅蓋合每斗入熱水兩盃更三五日可
得好酒六升日數隨天氣冷煖自以意候之若天大
熱減去稻麥陰陽唐饒革酒譜引春秋說題辭曰為
麪半兩稻麥陰陽酒據陰而動麥陰也黍陽也先漬
麪而後投黍是陽得陰而沸乃成先生又有黍麥說
云黍稻之出穗也必直而仰其熟也必曲而俯麥則
反是此陰陽之辨也北方之稻不足于陰南方之麥
不足于陽故南方無佳酒者以麪麥雜陰氣也又況
南海無麥而用米作麪耶今取船上麪作麪則酒亦
絕佳王魯齋造化論麥受六陽之全故就實而昂稻
分陰陽之半
則未實而俯

遊博羅香積寺

并引

寺去縣七里三山犬牙夾道皆美田麥禾甚茂寺下
溪水可作碓磨若築塘百步閘而落之可轉兩輪舉
四杵也以屬縣令林抃使督成之

二年流落鼃魚鄉朝來喜見麥吐芒東風搖波舞淨綠
初日泣露酣嬌黃汪汪春泥已沒膝剡剡秋穀初分秧
誰言萬里出無友見此二美喜欲狂三山屏擁僧舍小
一谿雷轉松陰涼要令水力供臼磨與相地脈增隄防

霏霏落雪看收麪隱隱疊鼓聞舂糠散流一啜雲子白

炊裂十字瓊肌香豈惟牢九薦古味

公自注東哲餅賦饅頭薄持起搜牢

九要使真一流天漿詩成捧腹便絕倒書生說食真膏

育

博羅

元和郡縣志有博羅縣九域志廣南東路惠州領縣四博羅縣在州北四十五里

林抃

王氏舊注

二美承上文指

二一作三月十九日攜白酒鱸魚過簷使君食槐葉

冷淘

枇杷已熟粲金珠桑落初嘗濫玉蛆暫借垂蓮十分盞
一澆空腹五車書青浮卵椀槐芽餅紅點冰盤藿葉魚
醉飽高眠真事業此生有味在三餘

蓮盞

白居易詩酒餉送盞推蓮子

藿葉魚

禮記少儀牛與羊魚之腥鼐而切之為膾注鼐

之為言腍也先藿葉切之復報切之則成膾按膾直輒切廣韻腍細切肉也施注新刻本訛以腍為膾應正改

贈陳守道

一氣混淪生復生有形有心即有情共見利欲飲食事

各有爪牙頭角爭爭時怒發霹靂火險處直在嵌巖坑
人偽相加有餘怨天真喪盡無純誠徒自取先用極力

誰知所得皆空名少微

一本作
為訛

處士

一本作
處訛

松柏寒蓬

萊真人冰玉清山是心兮海為腹陽為神兮陰為精渴
飲靈泉水飢食玉樹枝白虎化坎青龍離鎖禁姤女闕
嬰兒樓臺十二紅玻璃木公金母相東西純鉛真汞星
光輝烏升兔降無年期停顏邵老只如此哀哉世人迷
不迷

一氣混沌

列子天瑞篇混沌者言萬物相渾淪而未相離也張湛注云渾然一氣尚未離散

生形

列子天瑞篇有生者有生

少微

雲笈七籤陳陽

神陰精

紅鉛火龍訣云陰符陽火圓合天符皆依刻漏運行奪取氣候入神鼎中使真鉛天地之

母受此運用而產神精墨鉛水虎訣云黑鉛者非是常物是玄天神水生于天地之先作衆物之母上為

星辰下為真鉛之精常與太陽和合長養萬物

龍離

龍虎經云若鉛外黑內懷金華金華者為青龍為黃為乾被褐懷玉卯為狂夫玉者為白虎為

丹砂為汞為坤內丹訣法水虎真汞之本火龍真鉛

之門還丹根基于斯盡矣又本集寄子由龍虎坎離說云龍者汞也精也血也出于心而肺而肝藏之坎之物也虎者鉛也氣也力也出于心而肺生之離之物也

世人不學其道龍常出於水故龍飛而汞輕虎常出
于火故虎走而鉛枯順此者死逆此者仙故真人之
言曰五行顛倒術龍從火裏出五行不順行虎向水
中生蓋離者麗也著物而見火之性也吾寂然無所
引于外火無所麗則將焉往水其所妃也勢必從之
坎者陷也物至則受水之性也而况妃乎水火合則
火不炎而水自上升所謂龍從火裏出也龍出于火則
龍不飛而汞不乾汞下入口滿而後嚥仍以空氣送
至下丹田久則化為鉛所謂虎向水中生也又云
青龍屬東白虎屬西此其正也更歷分布者青龍建
緯于酉白虎建緯于卯刑德並會而龍虎歡喜顛倒
相見以主生為德若龍東虎西定位各居自生自旺
則二物相競以主殺為刑又有**木公金母**參同契注
續養生論其說畧同不復錄**木公金母**云慈母云
金金生坎水水即金公水稱孝子嚴父云木木生砂
汞子又生孫子繼孫踵西王母傳云在昔道氣凝寂

湛體無為將欲啟迪玄功化生萬物先以東華至真之氣化而生木公焉又以西華至妙之氣化而生金母純鉛真汞參同契癸為真鉛壬為真汞烏兔玄與集云日中烏比心中之液也月中兔比腎中之氣也又金丹歌云若也知時能運用金烏玉兔自西東

辨道歌

北方正氣名祛邪東郊西應歸中華離南為室坎為家
先凝白雪生黃芽黃河流駕紫河車水精池產紅蓮花
赤龍騰霄驚盤蛇姹女含笑嬰兒呀十二樓瞰靈泉靈
華池玉液陰交加子馳午前無停差三田聚寶真生涯

龜精鳳髓填谿訝天地駭有鬼神嗟一丹休別內外砂

長修久餌須升

一本作叔訛

遐腸中澄結無餘祖俗骨變換

顏如葩衰哉世人爭齒牙指偽為真正為哇輕肥甘美

形驕奢譎詭詐妄言矜誇遊魚在網兔在罝一氣頓盡

猶嘔啞餘生所託誠棲槎九原枯髀如亂麻胡不割衆

如鑊鉚空與利名交撐拏胡不讓霜如文騮可惜貪愛

相漫漶

一作塗訛

真心道意非不嘉餐金聞活非虛譁何須

橫議相疵瑕

當作瑕

衆口並發鳴羣鴉安知聚散同魚蝦

自纏如繭居如蝸日懷嗔喜甘籠箴其去死地猶獵殲
吾恨爾見有所遮海波或至驚井蛙烏輪即晚蟾影斜

吾時俱睹超雲霞

北方正氣

參同契衆邪辟除正氣常存注云北方坎位乃真鉛所居之本鄉居于此則金木火

三方之正氣如水之朝宗內丹訣北方正氣純粹之精玄與集北方正氣日月為輪搬水運火晝夜無停

中華離坎

參同契注子居北北乃坎之正位午居南南乃離之正位坎中有土曰戊離中有土

曰己戊專坎之門掌先天真一之氣已直離之戶積後天至真之汞謂戊已居中為水火所歸也 白

雪黃芽

參同契云津液腠理注云津乃玉津即白雪也液乃金液即黃芽也又金丹歌云白雪黃

芽共河車參同契北方河車注云水本居北搬運而

一包河車南使水自下升載實而上如河車之運故

云河紅蓮花雲笈七籤凡欲胎息先丹田次存五臟

車心部之宮蓮垂華註云心如紅蓮花未開下垂黃庭經

藏之質象蓮花之未開也赤龍紅鉛火龍訣依刻漏

鼎中此法是大丹運火之婉女嬰兒心玄與集嬰兒在

秘訣養赤龍之魂方也婉女嬰兒心玄與集嬰兒在

同契河上婉女靈而最神又漢真人丹十二樓玄與

訣婉女隱在丹砂中注云婉女即汞也十二樓集何

謂十二重樓答曰人之華池玄與集以汞投鉛名曰

喉嚨管有十二節是也華池華池紫清曰華池正在

氣海玉液玄與集玉液口液又云何謂子午參同契

內玉液瓊漿玉液答曰皆神水也子午子當右

轉午乃東旋上陽子注云子居五行之始故為一陽

之首玄與集在天為日月在人為心腎在時為子午

在方為南北抱朴子云內卦三爻法一年之春夏一日之子後午前卦三爻法一歲之秋冬一日之午後子前子後進火午三田聚寶玄與集腦為上田心為中田氣海為下田後退符其理一致
悟真篇太一在爐宜慎龜精鳳髓玄與集龜精鳳髓守三田寶聚應三台
精不過真鉛真鬼神嗟陳楠翠虛篇金翁玉姪奪汞交結而成
外砂悟真篇內藥還須外藥內通外亦須通顏如葩外藥若金丹也內藥若金液還丹也
參同契金砂入五內霧散若風餐金參同契金性不朽敗故為萬物雨薰蒸達四支顏色悅澤好
實術士服食之
壽命得長久

慎按東坡晚年留心養生之術于龍虎鉛汞

之說不但能言而且能行二詩闡抉道家內
外丹殆無餘蘊特為參合衆說詳加註釋使
覽者瞭然此二首施氏原本不載据外集編
惠州卷中今從之

江漲用過韻

草木生故墟牛羊滿空瀆春江園草市夜浪浮竹屋已
連漲海白尚帶霍山綠坎離更休王魚鼈橫陵陸得非
崑崙囚欲報陸渾魴行看北風競來救南國蹙長驅連

山燒一掃含沙毒孤吟慙造化何時停倚伏當憐水旱

忙一作

不作舟車蓄江流儻席卷社酒期茅縮

霍山

廣東舊志霍山在龍川縣北一百里舊經云高七千餘丈周迴三百六十里峰有三百六十可

居者七十二遊名山記云秦時有霍龍者龍川人避亂隱此遇真人授以金液還生丹功成仙去後人因以霍名山曹松詩七十七百七十

文文文藤蘿入九天即指此也

附子由次韻

樂城集題云次韻姪過江漲

陰淫夏為秋雨暴溪作瀆缺防舊通市流潦幾入

屋雖幸廩粟空猶惜畦蔬綠鹿駭不擇音鴻羈分

導陸室誚曾子還城謳華元衎中情久岑寂外物
競排蹙設心等一慈開懷受諸毒道力雖未究游
波偶然伏糧須三月聚父要三年蓄君恩許北還
從此當退縮

連雨江漲二首

越井岡頭雲出山牂牁江上水如天牀牀避漏幽人屋
浦浦移家蟹子船龍卷魚蝦并雨落人隨雞犬上牆眠
只因樓下平階水長記先生過嶺年

越井岡

南越志天井岡下有越王井深百餘尺云是趙佗所鑿太平寰宇記天井岡在南海縣北

四里吳萊南海古蹟記越井岡有趙陀井一曰鮑姑井鮑姑者雅川之妻善灸贅疣唐崔偉遇姑得越井

岡茶南漢劉龔時改名為牂牁使番陽令唐蒙風指玉龍泉禁民間不得私汲牂牁史記西南夷傳王恢

曉南越越食蒙蜀枸醬蒙問所從來曰道西北牂牁牂牁江廣數里出番禺城下注云牂牁船牁以

為地名勝志西江在廣州城西西北五十里源自牂牁合離江過肇慶亦曰桂水與滇水匯入於海亦三

江之浦浦水經易水東過范陽縣南注云易水又東一也浦浦興濡水合水流徑通長廬廣宇周施浦浦

棟宇咸淪柱礎猶存鄭谷詩白頭蟹子船北史蠻獠波上白頭翁家逐船移浦浦風蟹子船傳南方曰

蟹其流曰蟹曰獠曰獠曰色太平寰宇記蟹戶生在江海居於舟船隨潮往來捕魚為業若居平陸死亡

即多似江東白水郎也陳師道叢談二廣居山谷間不隸州縣者謂之猿人再居謂之蜚人

急雨蕭蕭作晚涼卧聞榕葉響長廊微明燈火耿殘夢
半濕簾櫳浥舊香高浪隱牀吹甕盎暗風驚樹擺琳琅
先生不出晴無用留與空堦滴夜長

附子由次韻

南過庾嶺更千山蒸潤由來共一天雲塞虛空雨
翻甕江侵城市屋浮船東郊晚稻須重插西舍原
蠶未及眠獨棹扁舟趁申卯米鹽奔走笑當年

客到炎陬喜暫涼
江吹虛閣雨侵廊
回看野寺山溪隔
卧覺晨炊稻飯香
荔餉深紅陋櫻棗
桂醅淳白比琳琅
恩移嶠北應非晚
未省南遷日月長

贈曇秀

白雲出山初無心
棲鳥何必戀舊

一作山

林道人偶愛山

水故縱步不知湖
嶺深空巖已禮百
千相曹溪更欲瞻
遺像要知水味孰
冷煖始信夢時非
幻妄袖中忽出貝
葉書中有壁月綴
星珠人間勝絕畧
已徧匡廬南嶺并

西湖西湖北望三千里大隄冉冉橫秋水誦師佳句說
南屏瘴雲應逐秋風靡胡為只作十日歡杖策復尋歸

路難留師

一作
荻芽

筍蕨不足道

一作
遇訛

悵望荔子何時丹

曇秀

即芝上人先生守揚州
有唱和詩見三十五卷

慎按此詩施氏原本失載新刻本載續補上
卷今移編於此曇秀至惠州詳見後注

附叔黨七律一首

三年避地少經過十日論詩喜琢磨自欲灰心老

南嶽猶能繭足到東坡來時野寺無魚鼓去後聞
門有雀羅從此期師真似月斷雲時復挂星河

慎按本集先生書叔黨送墨秀詩後云僕在廣陵
作詩送墨秀云老芝如雲月炯炯時一出今復來
惠州見余余已絕不作詩兒子過粗能搜句時有
可觀此篇殆咄咄逼人矣特為書之以滿行橐
云云叔黨所著名斜川集惜
不傳今從先生全集采附

和郭功甫韻送芝道人游隱靜

觀音妙智力應感隨緣度芝師訪東坡寧辭萬里步道
義妙相契十年同去住行窮半世間又欲浮杯渡我願

焚囊鉢不作陳

一作塵

俗具會取却歸時只是而今路

妙智力

法華經普門品觀音
妙智力能救世間苦

慎按先生歸自海南有次韻郭功甫絕句二

首功甫是時當亦宦游嶺外今考青山集無

送芝道人作以上二詩施氏原本不載今從

新刻續補上卷連類編次

次韻定慧欽長老見寄八首

并引

蘇州定慧長老守欽使其徒卓契順來惠州問予安

否且寄擬寒山十頌語有璨忍之通而詩無島可之
寒吾甚嘉之為和八首

左角看破楚南柯聞長滕鈎簾歸乳燕穴紙出癡蠅為
鼠常留飯憐蛾不點燈崎嶇真可笑我是小乘僧

定慧寺

吳郡志定慧寺在萬壽院之西本子院也

契順

真西山云東坡謫嶺南故舊少通問

者在蜀則巢元修在吳則契順皆徒步萬里訪之于荒陬絕徼之外元修以此名登青史號稱卓行契順亦托是以傳契順之言曰惟無所求故來惠州蓋有求則有欲有欲則失其本心世之小人疾視君子正坐有欲故爾鐵網珊瑚載東坡惠州帖云蘇州定慧院學佛者卓契順謂邁曰惠州不在天上行即到耳

當為子持書問之紹聖二年三月二日契順涉江渡
嶺徒行露宿薰面繭足以至惠州得書竟還為書淵
明歸去來辭以貽之庶幾契順托此文以不朽云○
按先生長子邁時在常州契順南來為先生達家書
也
寒山天台國清寺碑記云豐干禪師垂跡國清寺
有一貧士從寒巖來曰寒山子干稱為寒山
文殊後天台守訪之與拾得遁入巖穴其穴
自合有詩頌散題山林間寺僧集之成卷

鐵橋本無柱石樓豈有門舞空五色羽吠雲千歲根松
花釀仙酒木客餽山殮我醉君且去陶云吾亦云

鐵橋石樓

皆羅浮峰名
注詳上卷

羅浮高萬仞下看扶桑卑默坐朱明洞玉池自生肥從

來性坦率醉語漏天機相逢莫相問我不記吾誰

性坦率

杜甫詩嘗恐坦率性失身為杯酒

幽人白骨觀大士甘露滅根塵各清淨心境兩奇絕真源未純熟習氣餘陋劣譬如已放鷹中夜時掣絀

白骨觀

按楞嚴經云白骨微塵歸于空虛詩中所云白骨觀本此

甘露滅

什公注維摩經

云梵本寂滅甘露即實相也肇公曰大覺之道寂滅無相至味和神喻若甘露

純熟久於佛

道心已純熟

誰言窮巷士乃竊造化權所見皆我有安居受其全戲

作一篇書千古發爭端儒墨起

一作豈

相殺予初本無言

儒墨

莊子今世殊死者相枕也衽楊者相推也刑戮者相望也而儒墨乃始離支攘臂乎桎梏之間

又云天下大

駭儒墨皆起

閒居蓄百毒救彼跛與盲依山作陶穴掩此暴骨橫區區效一溉豈能濟含生力惡不已出時哉汝非爭

一溉

嵇康養生論為稼於湯之世必一溉者後枯

少壯欲及物老閒餘此心微生山海間坐受瘴霧侵可憐鄧道士攝衣問呻吟覆舟却一作私渡斷橋費千金

淨名毗耶中妙喜恒沙外初無來往相二土同一在云何定慧師尚欠行脚債請判維摩憑一到東坡界

淨名

即維摩誌也

毗耶

翻譯名義毗耶離此云廣博嚴淨其國中寬平城邑華麗故名

土同一在

維摩經維摩詰以神通力斷取妙喜世界置于此土妙喜世界雖入此土而不增減

于是世界亦不迫隘如本無異

三月四日遊白水山佛跡巖沐浴于湯泉晞髮于

懸瀑之下浩歌而歸肩輿却行以與客言不覺至

一有水北二字

荔支浦上晚日蔥隴竹陰蕭然時一無荔

子累累如芡實矣有父老年

一無年字

八十五指以告

余曰及是可食公能攜酒來遊乎意欣然許之歸
卧既覺聞兒子過誦淵明歸田園居詩六首乃悉
次其韻始余在廣陵和淵明飲酒二十首今復為
此要當盡和其詩乃已耳今書以寄妙總大士參
寥子

環州多白水際海皆蒼山以彼無盡景寓我有限年東
家著孔丘西家著顏淵市為不二價農為不爭田周公

與管蔡恨不茅三間我飽一飯足薇蕨補食前門生饋
薪米救我厨無烟斗酒與隻雞酣歌餞華顛禽魚豈知
道我適物自閒悠悠未必爾聊樂我所然

東家

家語魯人不識孔子聖人乃曰東家丘我知之矣

茅三間

殷芸小說蔡司徒在洛見

陸機兄弟住參佐中三間瓦屋士龍住東頭士衡住西頭

厨無烟

白居易與李山詩厨無烟火

妻無室

窮猿既投林疲馬初解鞅心空飽新得境熟夢餘想江

鷗漸

一作稍

馴集蜚蜚已還往南池綠錢生北嶺紫筍長

提壺豈解飲好語時見廣春江有佳句我醉墮渺莽

窮猿

晉書李充傳褚裒引為參軍充以家貧苦求出外曰窮猿投林豈暇擇木乃除剡縣令

新浴覺身輕新沐感髮稀風乎懸瀑下却行咏而歸仰觀江搖山俯見月在衣步從父老語有約吾敢違

新沐新浴

史記屈原傳新沐者必彈冠新浴者必振衣

月在衣

杜甫詩衣上見新月

老人八十餘不識城市娛造物偶遺漏同儕盡丘墟平生不渡江水北有幽居手挿荔支子合抱三百株莫言陳家紫甘冷恐不如君來坐樹下飽食攜其餘歸舍遺

兒子懷抱不可虛有酒持飲我不問錢有無

陳家紫

蔡襄荔支譜福州陳姓者因治居第平窳坎而樹之或云厥土肥沃所致今傳其種子者

皆擇善壤終莫能及

坐倚朱藤杖行歌紫芝曲不逢商山翁見此野老足願

同荔支社長作雞黍局教我同光塵月固不勝燭

公自注莊

子曰月固不勝火郭象曰大而闇不若小而明陋哉斯言也予為更之曰明于大者必晦于小月能燭天下而不能燭毫釐此所以不勝火也然卒之火勝耶月勝耶霜飈散氛祲廓然似朝旭

歌紫芝

杜甫詩悵望神歌紫芝曲

昔我在廣陵悵望柴桑陌長吟飲酒詩頗獲一笑適當
時已放浪朝坐夕不夕矧今長閒人一劫展過隙江山
互隱見出沒為我役斜川追淵明東臯友王績詩成竟
何為六博本無益

慎按韓子蒼詩話淵明歸田園居末篇乃序
行役與前五首不類今俗本乃取江文通種
苗在東臯為末篇東坡因而和之陳述古家
本止有五首予以為亦非也當如張相國本

題云雜咏六首洪邁對雨編亦云歸園六首
末一篇乃江文通雜擬三十首之一明言效
陶徵君田居蓋陶之三章曰種豆南山下草
盛豆苗稀晨興理荒歲帶月荷鋤歸故文通
曰雖有荷鋤倦濁酒聊自適正擬其意也今
陶集訛編入東坡据而和之又東方有一士
詩十六句重載于擬古九首中坡公亦遂兩
和之皆隨意即成不復加細考耳先生在嶺

南和陶詩始此施氏原本不載今從補注本
考据年月分編餘放此

聞正輔表兄將至以詩迎之

生逢堯舜仁得作嶺南遊雖懷楚然喜豈免跼墮憂莫
雨侵重脰曉烟騰鬱攸朝槃見蜜唧夜枕聞鴝鵒幾欲
烹鬱屈固嘗饌鈎輈舌音漸獠變面汗嘗駢羞賴我存
黃庭有時仍丹丘目聽不任耳踵息殆廢喉稍欣素月
夜遂渡黃茅秋我兄清廟器持節瘴海頭蕭然三家步

橫此萬斛舟人言得漢吏天遣活楚囚惠然再過我樂
哉十日留但恨參語賢忽潛九原幽萬里倘同歸兩鰥
當對窺公自注軾喪婦已三年矣正強歌非真達何必
取莊周

表兄正輔

齊東野語云老蘇與妻黨程氏大不咸有

隙不平久矣其後東坡兄弟以念母之故相與釋憾
程正輔於坡為表弟坡之南遷時率聞其先世之隙
遂以正輔為本路憲將使之甘心焉而正輔反篤中
外之義周旋甚至坡唱和中亦可槩見也○慎按先
生于程氏兄弟德孺懿叔則稱表弟正
輔則稱表兄周公謹以為表弟者訛

黃茅

南方草木狀芒

茅枯時瘴疫大作交廣皆爾也
土人呼曰黃茅瘴又曰黃芒瘴
謫居窮寂誰復顧老兄不惜數舍之
勞以成十日之會此意如何可忘

本集先生與
正輔尺牘云

慎按先生謫嶺南程正輔為本路憲其按部
至惠州不能確指為某時据本集尺牘當在
乙亥春夏之交施氏原本前後參錯今取凡
與正輔唱和者自此以下凡十章會萃一處
以便觀覽

再和

稚川真長生少從鄭公遊孝章偶不死免為文舉憂餘
齡會有適獨往豈相攸由來警露鶴不羨撮蚤鷗願加
視後鞭同駕躅空輶寧殄墮齒董勿憶齊眉羞何時遂
縱壑歸路同首丘東

一作泉訛

岡松栢老西嶺橘袖秋著意

尋彌明長頸高結喉無心遂定遠燕領飛虎頭君方卒
功名一汎范蠡舟我亦霑霑渥漸解鍾儀囚寧須張子
房萬戶自擇留猶勝嵇叔夜孤憤甘長幽南窻可寄傲
北山早歸輶此語君勿疑老彭跨商周

慎按此詩填寫故實不用隔句對法兩兩排比不覺其板重惟先生為之則可他人不能學亦不可學也

同正輔表兄游白水山

偉哉造物真豪縱攫土搏沙為此弄劈開翠峽走雲雷

一作雷霆

截破奔流作潭洞因隨化人履巨跡得與仙兄躡

飛鞚曳杖不知巖谷深穿雲但覺衣裘重坐看驚鳥救

一作投

霜葉知有老蛟蟠石壅金沙玉礫桀可數古鏡寶

奩寒不動念兄獨立與世疎絕境難到惟我共永辭角
上兩蠻觸一洗胸中九雲夢浮來山高回望失武陵路

絕無人送筠籃擷翠爪
甲香素纈分碧銀餅凍歸路霏

霏湯

一作湯

谷暗野堂活活神泉湧解衣浴此無垢人身

輕可試雲間鳳

飛鞚

鮑昭詩飛鞚越平陸

無垢人

維摩經八解之浴池定水湛然滿布此七淨華浴此無垢

人

與正輔游香積寺

一本云次韻程正輔游香積寺

越山少松竹常苦野火厄
此峯獨蒼然感荷佛祖力茯

苓無人采千歲化琥珀幽光發中夜見者惟木客我豈

無長鏡真贗苦難識靈苗與毒草疑似在毫髮把玩竟
不食棄置長太息山僧類有道辛苦嘗谷汲我慚作機
舂鑿破混沌穴幽尋恐不繼書板記歲月

作機舂

孟東野詩機舂潺湲力按築閘
作碓磨事見上卷香積寺詩序

次韻正輔同游白水山

祇知楚越為天涯不知肝胆非一家此身如綫自縈繞
左旋右轉隨縲車誤拋山林入朝市平地咫尺千褒斜
欲從稚川隱羅浮先與靈運開永嘉首參虞舜歎韶石

次謁六祖登南華仙山一見五色羽雪樹兩摘南枝花

赤魚白蟹

一作白魚赤蟹

箸屢下黃柑綠橘邊常加糖霜不待

蜀客寄荔支莫信閩人誇恣傾白蜜收五稜細斲黃土

栽三桮

公自注正輔分人參歸種韶陽來詩本用

硯朱

明洞裏得靈草翩然放杖凌蒼霞豈無軒車駕熟鹿亦

有鼓吹號寒蛙仙人勸酒不用勺石上自有尊罍窪徑

從此路朝玉闕千里莫遺毫釐差故人日夜望我歸相

迎欲到長風沙豈知乘槎天女側獨倚雲機看織紗世

間誰似老兄弟篤愛不復相疵瑕相攜行到水窮處庶
幾一見留子嗟千年枸杞常夜吠無數草棘工藏遮但
令凡心一洗濯神人仙藥不我遐山中歸來萬想滅豈
復回顧雙雲一作飛鴉

石上尊壘

羅浮記蝴蝶洞在麻姑臺西前為水簾洞其下有流杯池相傳八仙會飲于此長

風沙

太平寰宇記長風沙在懷寧縣東百九十里元和四年入圖經名勝志長沙自小孤山來安慶

城西南繞東而下池州接無為州界凡百餘里中
央是長風沙鎮李白詩相迎不道遠直至長風沙

與程正輔遊碧落洞

空山不難到絕境未易名何時謫仙人來作鈞天聲胸

中幾雲夢餘地多

一作方

恢宏長庚與北斗錯落綴冠纓

黃公獻紫芝赤松餽青精溪山久寂寞請續離騷經抱
枝寒蜩咽繞耳飛蚊清謫仙撫掌笑笑此羽皇銘我頃
嘗獨遊自適孤雲情君今又繼往霧雨愁青冥感君兄
弟意尋羊問初平玉牀分箭鏃不忍獨長生詩成輒寄
我妙絕陶謝并孤鴻方避弋老驥猶在垆鳥獸如可羣
永寄槁木形何山不堪隱飲水自修齡

釣天聲

羅浮指掌圖記夜樂洞在上界三峯下昔人聞仙樂于此

羽皇銘

唐周夔字羽皇

曾游碧落洞作到難篇云周羽皇游于瀘陽之石室兩崖卷束勢合如屋孱顏百間開待朝旭加以上戴霄峯中流清溪乳枝凝露而碧落松籟嗽風而瑟瑟按公詩正用此事施氏補注云即新宮銘者大謬

次韻正輔表兄江行見桃花

曲士賦懷沙草木傷莽莽德人無荆棘坐失嶺嶠阻我
兄瑚璉姿流落瘴江浦淨眼見桃花紛紛墮紅雨蕭然
振衣袂笑問散花女我觀解語花粉色如黃土一言破
千偈况爾初不語可憐一轉話他日如何舉故復此微

吟聊和鷗鴉櫓江邊閒草木閒客當為主邇來子美瘦
正坐作詩苦袖手焚筆研清篇真漫興願君一作兄理北
轅六轡去如組上林桃花開水暖鴻北翥

焚研

按君苗焚研事出晉書陸機傳而杜甫詩不著其姓因學紀聞云君苗姓崔漫興杜甫詩老去詩

篇渾漫興別本作漫興者訛

追餞正輔表兄至博羅賦詩為別

孤臣南游墮黃管君亦何事來牧

一作牧訛

蠻艤舟蜚戶龍

岡窟置酒柳葉枕榔間高談已笑衰語陋傑句尤覺清

詩孱博羅小縣僧舍古我不忍去君忘還君應回望秦
與楚夢涉漢水愁秦關我亦坐念高安客神遊黃蘗參
洞山何時曠蕩洗瑕垢一作論與君歸駕相追攀梨花寒
食隔江路兩山遙對雙烟鬟歸耕不用一錢物惟要兩
脚飛孱顏玉牀丹鏃記分我助我金鼎光瀾斑

博羅僧舍

名勝志博羅縣有泊頭墟距羅浮十五里
廣惠二州舟楫及自陸路至者皆于此登

岸舊有圓照堂
山僧以主遊客

高安客

潁濱遺老傳上用李邦直為
中書侍郎鄧聖求為尚書右

丞會廷策進士邦直撰策題即為邪說以惑羣聽轍
論之曰伏見御試策題歷詆近歲行事有欲復熙寧

元豐故事之意臣備位執政不敢不言奏入不報以
本官出知汝州再謫知袁州未幾降分司南京筠州
居住○按筠州黃蘗傳燈錄黃蘗山禪師名希遷洞
宋改名高安郡黃蘗往西江參百丈契悟心要洞
山傳燈錄洞宗禪師名良价造雲巖有省接金鼎雲
誨學侶于高安之洞山諸方推為曹洞宗金鼎發
七藏造金鼎銘云后土金鼎生死長七神室明三圓
五陰一混沌徘徊天地五里陽陽兩頭狀如雞子形
具莫差黃白在裏訣曰金
者太白之名呼之為鉛

再用前韻

樂天雙髻如霜管始知謝遣素與蠻我兄綠髮蔚如故
已了夢幻齊人間蛾眉勸酒聊爾耳處仲太忍茂弘孱

三杯徑醉便歸卧海上知復幾往還連娟六么趁蹋踠
香眇三疊紫陽關酒醒夢斷何所有落花流水空青山
忽驚鐃鼓發半夜明月不許幽人攀贈行無物惟一語
莫遣瘴霧侵雲鬟羅浮道人一傾蓋欲繫白日留君顏
應知我是香案吏他年許綴蓬萊班

結韻前作班此作班義各不同不應

通用

戲和正輔

別作甫訛

一字韻

故居劍閣隔錦官柑果薑蕨交荆管奇孤甘挂汲古綆

僥覲敢揭鈎金竿已歸耕稼供藁秸公貴幹蠱高中冠

改更句格各蹇

當作

吃姑因狡獪加間闕

一字韻

蔡寬夫詩話聲韻之興其變日多四聲中又別其清濁以為雙聲一韻者以為疊韻蓋以

輕重為清濁爾所謂前有浮聲則後有切響王融雙聲詩云園蘅眩紅鵲湖荇燁黃花迴鶴橫淮翰遠越合雲霞以此求之可見。按南史謝莊傳王元謨問莊何者為雙聲何者為疊韻答曰互護為雙聲礪礪為疊韻云云蓋雙聲者同音而不同韻疊韻者同音又同韻也今所云一字韻乃古之雙聲也

慎按此詩施氏原本不載新刻本題云戲和

正輔外集載惠州卷中正甫作正輔即程正

輔也故類編于此

桄榔杖寄張文潛一首時初聞黃魯直遷黔南范
淳父九疑也

睡起風清酒在亡身隨殘夢兩茫茫江邊曳杖桄榔瘦
林下尋苗萆撥香獨步倘逢勾漏令遠來莫恨曲江張
遙知魯國真男子獨憶平生盛孝章

桄榔杖

本集與張文潛尺牘云屏居荒服無一物為信有桄榔方杖一枚前此土人不知以此為

杖黃魯直遷黔南

宋史黃庭堅傳哲宗初立召為神宗實錄檢討紹聖初章惇論實錄

多誣貶涪州別駕黔州安置山谷年譜章惇蔡卞論
實錄詆誣俾前史官分居畿邑以待黃庭堅書鐵爪
治河有同兒戲 范淳父九疑宋史范祖禹傳元祐中
至是首問焉 述之論興有相章惇意祖禹力言惇不可用言者攻
之連貶武安軍節度副使昭州別駕安置永州○按
東都事畧與本傳小有異同謂祖禹初貶提舉明道
宮繼責武安節度副使再貶韶州別駕賀州安置考
之哲宗本紀紹聖元年冬祖禹與庭堅同貶永豐黔
州安置至三年秋再責授祖禹昭州別駕賀州安置
先生作詩當在紹聖元年本傳正合當從宋史

四月十一日初食荔支

南村諸楊北村盧

公自注謂楊梅橘盧也

白華青葉冬不枯垂黃

綴紫烟雨裏特與荔子

一作支

為先驅海山仙人絳羅襦

紅紗中單白玉膚不須更待妃子笑風骨自是傾城姝

不知天公有意無遣此尤物生海隅雲山得伴松檜老

霜雪自困瘧梨簾先生洗盞酌桂醕冰盤薦此蘋虬珠

似聞江鮓斫玉柱更洗河豚烹腹腴

公自注予嘗謂荔支厚味高格兩絕

果中無比惟江鮓柱河豚魚近之耳

我生涉世本為口一官久已輕蓴鱸

人間何者非夢幻南來萬里真良圖

四月荔支

荔支譜四月熟者生嶺南火山佳者六月方熟東坡所云四月十一日是特廣南火

山者耳太平寰宇記火山直對梧州城山上有味酸中

單漢書江充傳衣紗縠禪衣師古注禪衣今之朝服

中單正如今之背子事物紀原謂漢高與伴松檜梁

項羽戰汗透中單且曰中單即汗衫非也伴松檜溪

漫志東坡荔支詩云雲山得伴松檜老常疑此句似

泛後見習閩廣者云福州至于海南凡宰上木松檜

之外雜植荔支取其枝江鯨柱肉郭璞江賦玉珣海月

葉陰覆所以有此語江鯨柱肉吐石華江鄰幾雜

志四明海物江鯨柱第一介甫云鯨字當作珣即今蛤

蜊柱韓文公所謂馬甲柱也能改齋漫錄紹聖中詔

福唐與明州歲貢車螯肉柱五十斤俗謂腹腴少禮記

之紅蜜丁即東坡詩中所謂江鯨柱也

冬右腴注氣在下腴腹下也疏腴

謂魚腹冬時氣下在魚腹故右腴

答周循州

蔬飯藜牀破衲衣掃除習氣不吟詩
前生自一作是盧

行者後學過呼韓退之未敢叩門求
夜話時叨送米續

晨炊知君清俸難多輟且覓黃精與療飢

周循州

周彥質字文之時為循州守見本集和陶詩題中元和郡縣志循州漢南海郡之博羅縣

梁置梁化郡隋開皇十年于此置循州取循江為名循江在海豐縣東南九域志廣南東路循州海豐郡

軍事治龍川縣

荔支嘆

十里一置飛塵灰五里一堠兵火催顛阮仆谷相枕籍
知是荔支龍眼來飛車跨山鵲橫海風枝露葉如新採
宮中美人一破顏驚塵濺血流千載永元荔支來交州
天寶歲貢取之涪至今欲食林甫肉無人舉觴酌伯游

公自注漢永元中交州進荔支龍眼十里一置五里一
堠奔騰死亡惟猛獸毒蟲之害者無數唐羌字伯游為
臨武長上書言狀和帝罷之唐天寶中蓋取涪州荔支自子午谷路進入我願天公憐赤子

莫生尤物為瘡痍雨順風調百穀登民不飢寒為上瑞

君不見武夷溪邊粟粒芽前丁後蔡相籠加

公自注大
小龍茶始

于丁晉公成于蔡君謨歐陽永叔聞君謨
進小龍團驚嘆曰君謨士人何至作此事爭新買寵各

出意今年鬪品充官茶公自注今年閩中監吾君所乏

豈此物致養口體何陋耶洛陽相君忠孝家可憐亦進

姚黃花公自注洛下貢
花自錢惟演始

置堠史記田橫至尸鄉廐置注云謂置馬以傳驛者
風俗通漢改郵為置唐時十里為雙堠五里為

隻堠白居易詩道永元荔支慎按三輔黃圖曰漢武
元鼎六年破南越建扶

荔宮自交趾移植荔支數百株于庭無一生者後數
歲偶一本稍活終無花實其後則歲貢焉郵傳者斃

于道路極為生民之患据此則荔支八貢不
始于永元至永元中因唐羌言乃罷貢耳天寶歲

貢取涪

慎按唐時進荔枝或以為南海或以為蜀其說不一舊唐書帝幸驪山貴妃生日命小部

張樂長生殿因進新曲未有名會南方進荔枝因名荔枝香樂史楊妃外傳十四載六月一日貴妃生日會南海進荔枝因以名曲國史補貴妃生于蜀好食荔枝南海所生尤勝蜀者故每歲飛馳以進此南海歲貢之証也而蔡君謨荔枝譜吳曾漫錄以為涪州張君房以為忠州胡仔叢話謂長安來自巴蜀方輿紀勝謂涪州有妃子園當時以馬遞七日七夜至京故杜牧華清宮詩云一騎紅塵妃子笑無人知道荔枝來今以杜少陵詩考之一則云憶昔南海使奔騰進荔枝又云炎方每續朱櫻獻又云憶過瀘戎摘荔枝少陵在天寶朝日擊其事故云爾意當時南海與蜀中固嘗並進也東坡詩云天寶歲貢取之涪與唐書杜詩不合為**武夷**興地廣記淳化五年升建州崇詳考附志于此**武夷**安場為縣地有武夷山太平寰

宇記武夷山在建陽縣北蕭子開建安記云山高五百仞顧野王謂地仙之宅傳云昔有仙人武夷君居

此粟粒

梅堯臣建溪新茗詩粟粒烹甌起龍文御餅加武夷山記山產茶如粟粒者初春芽茶也

品最鬪品

范仲淹鬪茶歌北苑將期洛陽進花貴獻天子林下雄豪先鬪美備祖

引洛陽風土記云洛陽至今六驛舊未嘗進花李相迪留守始以花進乘驛馬晝夜馳至京師所進止姚

黃魏紫三四朶用菜葉實籠中又以蠟封花蒂數日不落迄今貢不絕王闢之澠水燕談亦云李文定始

進牡丹。○慎按軍輔編年錄李迪天禧中叅知政事拜相五月而罷知鄆州明道二年自河陽再召入相

罷知亳州尋降知密州康定中知天雄考文定前後歷官未嘗為洛陽守也錢惟演于乾興中自樞相罷

任天聖中除判陳州自言先隴在洛陽願司宮鑰遂命守河南今先生稱為洛陽相君斷為錢思公無疑

李文定賢相也豈可令蒙不韙姚黃埋雅牡丹之名

之名因舉舊說牽連辨正及此姚黃以姓著者姚黃

牛黃姚黃者出姚氏此花之出于今未十年姚氏居

曰司馬坂地屬河陽而花傳洛陽一歲不過數朶錢

思公嘗言人謂牡丹為花王今

姚黃真為王而魏紫乃后也

慎按詩中雨順風調百穀登民不飢寒為上

瑞二句諸刻本所無今据施注原本增入

附子由作

蜀中荔支止嘉州餘波及眉半有不稻糠宿火却

霜霰結子僅與黃金侔近聞閩尹傳種法移種成

都出巴峽名園競擷絳紗苞密漬瓊膚甘且滑北

遊京洛墮紅塵箬籠白曬稱最珍思歸不復為尊
菜欲及炎風朝露勻平居著鞭苦不早東坡南竄
嶺南道海邊百物非平生獨數山前荔支好荔支
色味巧留人不管年來白髮新得歸便擬尋鄉路
棗栗園林不須顧青枝丹實須一株丁寧附書老
農圃

六月十二日酒醒步月理髮而寢

羽蟲見月爭翻

一作翻

翻我亦散髮虛明軒千梳冷快肌

骨醒風露氣入霜蓬根起舞三人漫相屬停杯一問終
無言曲肱薤簞有佳處夢覺瓊樓空斷魂

千梳

賈島詩頭
髮千梳下

附子由次韻

水上有車車自翻懸雷如綫垂前軒霜蓬已枯不

再緣有客勸我抽其根

自注近有道士相教拔曰
後以水火養之當不復生

故以
為答

枯根一去紫茸茁珍重已試幽人言紛紛華

髮何足道當返六十過去魂

和子由次月中梳頭韻

夏畦流膏白雨翻北窻幽人卧羲軒風輪曉長春筍節

露珠夜上秋禾根

公自注或為予言草木之長常在昧明間早作而伺之乃見其拔起數寸

竹筍尤甚又夏秋之交稻方含秀黃昏月出露珠起于其根纍纍然忽自騰上若有推之者或入于莖心或垂于葉端稻乃秀實驗之信然此二事與子由養生之論契故以此為寄從來白髮有公道

始信丹經非妄言此身法報本無二他年妙絕兼形魂

公自注傳燈錄有形神具妙者乃不復有解化之事

法報

維摩經注佛有三身曰法身法報二身佛自受用形魂太靈真人存三

散暉垂光紫青來
入我魂照我五形

余遷惠州一年衣食漸窘重九伊邇

一作將近

尊組蕭

然乃和淵明貧士七篇以寄許下高安宜興諸子
姪并令過同作

長庚與殘月耿耿如相依以我旦暮心惜此須臾暉青
天無今古誰知織烏飛我欲作九原獨與淵明歸俗子
不自悼顧憂斯人飢堂堂誰有此千駟良可悲

作九原

禮記趙文子與叔譽觀乎九京文
子曰死者如可作也吾誰與歸

夷齊恥周粟高歌誦虞軒產祿彼何人能致綺與園古

來避世士

一作人

死灰或餘烟末路益可羞朱墨手自研

淵明初亦仕絃歌本誠言不樂乃徑歸視世差獨賢

按詩眼云東坡和陶詩夷齊恥周粟云言夷齊自信其去雖武周不能挽之使留若四皓自信其進雖產祿之聘亦為之出蓋古人無心于功名信道而進退天下萬世之是非不能回奪伯夷之非武王綺園之從祿產自合為世所笑不當有名偶然聖賢辨論之乃信于天下非其始望故其名之傳如死灰之餘烟也後來君子不能以道進退又不能忘世俗之毀譽多作文以自明其出處如客難解嘲是也故曰朱墨手自研若淵明初亦仕本無心于民雖晉末亦仕合于園綺之出其去也亦不待以微罪行不樂乃徑歸

合于夷齊之去其不為功名累其進退蓋相似使其
易地未必不追蹤二子也東坡作文工于命意必超
然獨立于衆人之上非若昔
人之稱淵明以退為高耳

誰謂淵明貧尚有一素琴心閒手自適寄此無窮音佳

辰愛重九芳菊起自尋疎巾歎虛漉塵爵笑空斟忽餉

二萬錢顏生良足欽急

別本作
思訛

送酒家保勿違故人心

素琴

晉書陶潛傳性不解音而蓄素琴一張弦徽不
具每朋酒之會則撫而和之曰但識琴中趣何

勞弦
上聲

人皆有耳目夫子曠與婁弱豪寫萬象水鏡無停酬閒

居惜重九感此歲月周端如孔北海只有尊空憂二子

不並時高風兩無儔我後

一作復

五百年清夢未易求

芙蓉雜金菊枝葉長闌干遙憐退朝人醪酒出大官豈

知江海上落英亦可餐典衣作重陽

一作九

徂歲

一作暑

慘

將

一作多

寒無衣粟

一作寒

我膚無酒嘖我顏貧居真可嘆

二事長相關

落英

楚詞夕餐秋菊之落英

老詹亦白髮

公自注惠州太守詹範字器之

相對垂霜蓬賦詩殊有味

涉世非所工杖藜山谷間狀類渤海龔半道要我飲意
與王弘同有酒我自至不須遣龐通門生與兒子杖屨
聊相從

我家六兒子流落三四州辛苦見一作更不識今與農圃

儔買田帶修竹築室依清流未能遣一力分汝薪水憂
坐念北歸日此勞未易酬我獨遺以安鹿門有前修

六兒子

先生之子邁迨過
顙濱之子遲迨遠鹿門後漢龐公傳劉表問
先生不肯官祿後世

何以遺子孫公曰世人皆遺以危今
獨遺以安後登鹿門山采藥不返

慎按以上七首施氏原本不載今從和陶卷

中分編

食檳榔

一作檳根

月照無枝林夜棟立萬礎眇眇雲間扇陰此八一作九月

暑上有垂房子下繞降刺禦風欺紫鳳卵雨暗蒼龍乳

裂包一墮地還以皮自煮北客初未諳勸食俗難阻中

虛畏泄氣始嚼或半吐吸津得微甘著齒隨亦苦面目

太嚴冷滋味絕媚嫵誅彭勲可策推轂勇宜賈瘴風作

堅頑導利時有補藥儲固可爾果錄詎用許先生失膏
梁便腹委敗鼓日噉過一粒腸胃為所侮蟄雷殷臍腎
藜藿腐亭午書燈看膏盡鉦漏歷歷數老眼怕少睡竟
使赤胷弩渴思梅林嚙飢念黃獨舉奈何農經中收此
困羈旅牛舌不餉人一斛肯多與乃知見本偏但可酬
惡語

檳榔

南方草木狀檳榔樹高十餘丈皮似青銅下本
不大上枝不小調直亭亭千萬若一森秀無柯

端頂有葉葉似甘蕉風至獨動似舉羽扇以掃天葉
下綴數房房綴數十實大如桃李味苦澁剝其皮鬻

其膚以扶留藤及古墳灰并食則滑美下氣消穀一名賓門藥餌

泄氣

柳子厚集多食檳榔令人

破氣

慎按此詩施氏原本不載今從新刻遺詩卷

中移編

送惠州監押

一本作送都監北歸

一聲鳴

一作鴻

雁破江雲萬葉梧桐卷露銀我自飄零足

羈旅更堪秋晚送行人

惠州都監

按本集與惠州都監尺牘云君南來清節幹譽為有識所稱皆曰此東坡弟子由門

下客也兩漢之士多起于游徼卒吏至公卿者多矣
願益廣學問以期遠到觀先生期許如此其人可知
惜逸其姓名又按職官分記御前忠佐軍頭有都
監押監之名朝官為都監京官帶職者為押監

慎按此詩施氏原本不載今從新刻續補下

卷中移編

江月五首

并引

嶺南氣候不常吾嘗曰菊花開時乃重陽涼天佳月
即中秋不須以日月為斷也今歲九月殘暑方退既
望之後月出愈遲予嘗夜起登合江樓或與客游豐

湖入樓禪寺叩羅浮道院登逍遙堂逮曉乃歸杜子
美云四更山吐月殘夜水明樓此殆古今絕唱也因
其句作五首仍以殘夜水明樓為韻

一更山吐月玉墀卧微瀾正似西湖上湧金門外看冰
輪橫海濶香霧入樓寒停鞭且莫上照我一杯殘

豐湖

名勝志惠州城西有石埭山流泉潏沫若飛簾其水瀉入于豐湖即西湖也宋知州陳偁荆築

亭館以增勝槩林俛豐湖集序云湖之潤溉田數百頃葦藕蒲魚之利歲數萬民之取于湖者其施以豐故曰豐湖舊記謂即鯉湖非也隔水有山曰豐山逍

自西逶迤入湖中有點翠洲雜花島歸雲洞諸勝

遙堂

道士何宗一所居見本集詩題廣東舊志逍遙堂在豐湖方華洲之上

玉塢

即大聖塢

在豐湖上棲禪寺東南見本集後卷悼朝雲詩序中

湧金門

咸淳臨安志西城三門曰清波錢塘

湧金皆臨西湖

二更山吐月幽人方獨夜可憐人與月夜夜江樓下風

枝久

一作夕

未停露草不可藉歸來掩關卧唧唧夜蟲話

三更山吐月棲鳥亦驚起起尋夢中游清絕正如此驅雲掃衆宿俯仰迷空水幸可飲我牛不須違洗耳

四更山吐月皎皎為誰明幽人赴我約坐待玉繩橫野

橋多斷板山寺有微行今夕定何夕夢中遊化城

化城

法華經有一導師以方便力于險道中過三百由旬化作一城告衆人言汝等勿怖莫得退還

于是衆人前入化城作已度想作安隱想

五更山吐月窻迴室幽幽玉鉤還挂戶江練却明樓星
河澹欲曉鼓角冷知秋不眠翻五詠清切變蠻謳

按劉辰翁云望後月遲或一更或二更愈遲愈佳乃是實見如此故看得杜詩別題中予嘗夜起以後是說數夜事

送佛面杖與羅浮長老

十方三界世尊面都在東坡掌握中送與羅浮德長老
攜歸萬竅總號風

佛面杖

未詳

慎按此詩施氏原本不載今從新刻續補下
卷移編于此

十一月九日夜夢與人論神仙道術因作一詩八
句既覺頗記其語錄呈子由弟後四句不甚明了
今足成之耳

析塵妙質本來空

公自注夢中于此句若了然有所得者

更積微陽一線

功照夜一

一作孤

燈長耿耿閉門千息自濛濛養成丹竈

無烟火點盡人間有暈銅寄語山神停伎倆不聞不見

我何窮

閉門千息

雲笈七籤凡行氣之道當在密室閉門安牀暖席枕高二寸半正身偃卧瞑目閉氣

以鴻毛著鼻端鴻毛不動經三百息耳無所聞目無所見心無所思當以漸除之又云徐徐引氣出納則

元氣亦不出如胎息者鼻中微微無烟火維摩經如通氣往來到此雖千息亦不倦焉無烟火

有暈銅

雲笈七籤金丹部有赤銅去暈法取熟銅打作葉以牛皮膠煮之如粥以銅葉納中以鹽

封之內爐中火之令烟盡極
亦出冷砧上打之黑皮自落

附子由次韻

藥城後集題云勸
子瞻修無生法

除却靈明一一空年來丹竈漫施功掌中定有菴

摩在雲際懸知霧雨濛已賴信心留赤電要須淨

戒拂昏銅誰言逐客江南岸身世雖窮心不窮

章質夫送酒六壺書至而酒不達戲作小詩問之

白衣送酒舞

一作
侮訛

淵明急掃風軒洗破觥豈意青州六

從事化為鳥有一先生空煩左手持新蟹漫繞東籬嗅

落英南海使君今北海定分百榼餉春耕

章質夫

宋史章藻字質夫浦城人仕至資政殿學士謚莊簡陳斯道叢談云東坡居惠州廣守月

餽酒六壺吏嘗缺而亡之坡以詩謝云云
據此則質夫時為廣州守可補史傳之缺
舞淵明
若
詩話白衣送酒舞淵明人有疑舞字太過者及觀庾
信答王褒餉酒詩未能扶畢卓猶足舞王戎舞字蓋
有所
本

小圃五咏

人參

上黨天下脊遼東真井底玄泉傾海腴白露灑天醴靈

苗此孕毓肩股

一作股

或具體移根到羅浮越水濯清泚

地殊風雨隔臭味終祖禰青楹綴紫萼圓實墮紅米窮

年生意足黃土手自啟上藥無炮炙齟齬盡根柢開心

定魂魄憂恚何足洗靡身輔吾生

一作軀

既食首重稽

上黨遼東

本草別錄人參生上黨山谷及遼東陶隱居曰上黨在冀州西南次用高麗者即遼

東今沁州遼州等地並出人參蓋俱與太行相接也

地黃

地黃飼老馬可使光鑒人吾聞樂天語喻馬施之身我

衰正伏樞垂耳氣不振移裁附沃壤蕃茂爭新春沈水
得穉根重湯養陳薪投以東阿清和以北海醇崖蜜助
甘冷山薑發芳辛融為寒食餠嚙作瑞露珍丹田自宿
火渴肺還生津願餉內熱子一洗胸中塵

喻馬

莊子以馬喻馬之非馬不
如以非馬喻馬之非馬也沈水爾雅
羅願云地黃以

沈下者為貴
為字從半

東阿清

爾雅河水東逕東阿縣故城北
注云大城北門內有大井深六

七丈歲嘗煮膠以貢天府故有阿井之名沈括筆談
古說濟水伏流東阿亦濟水所經取井水煮膠謂之
阿膠其性趨下清而且重陳斯道叢談阿井在陽穀
縣故東阿城中惟二井甘水也相傳稱之比他井重

一丹田

本草地黄性膩得砂仁窠合五臟之氣歸宿丹田

枸杞

神藥不自閔羅生滿山澤日有牛羊憂歲有野火厄越俗不好事過眼等荻棘青萸春自長絳珠爛莫摘短籬護新植紫筍生卧節根莖與花實收拾無棄物大將玄吾鬢小則餉我客似聞朱明洞中有千歲質靈龐或夜吠可見不可索仙人倘許我借杖扶衰疾

甘菊

越山春始寒霜菊晚愈好朝來出細粟稍覺芳歲老孤
根蔭長松獨秀無衆草晨光雖照耀秋雨半摧倒先生
卧不出黃葉紛可掃無人送酒壺空腹嚼珠寶香風入
牙頰楚些發天藻新萸蔚已滿宿根寒不槁揚揚弄芳
蝶生死何足道頗訝昌黎公一作翁恨爾生不早

甘菊

本草陶弘景曰菊有二種紫莖氣香而味甘者為真菊青莖而大作蒿艾氣味苦者名苦蕒葉

相似惟以甘苦別之花大而香者為甘菊范石湖菊譜引神農書以菊為養生上藥能輕身延年多至七

十餘種惟

甘菊可食

薏苡

伏波飯薏苡禦瘴傳神良能除五溪毒不救讒言傷謾
言風雨過瘴癘久亦亡兩俱不足治但愛草木長草木
各有宜珍產駢南荒絳囊懸荔支雪粉剖桺榔不謂蓬
荻姿中有藥與糧春為芡珠圓炊作菰米香子美拾橡
栗黃精誑空腸今吾獨何者玉粒照座光

飯薏苡

李石續博物志薏苡一名薏珠收子
蒸令氣餹暴乾按取作飯麪主不飢

雨後行菜圃

一本無
圃字

夢回聞雨聲喜我菜甲長平明江路濕並

讀作傍去聲

岸飛

兩漿天公真富有乳膏瀉黃壤霜根一蕃滋風葉漸俯

仰未任筐筥載已作杯盤

一作按

想艱難生理窄一味敢

專饗小摘飯山僧清安寄真賞芥藍如茵草脆美牙頰

響白菰類羔豚冒土出踏掌誰能視火候小竈當自養

殘臘獨出二首

幽尋本無事獨往意自長釣魚豐樂橋采杞逍遙堂羅
浮春欲動雪日有清光處處野梅開家家臘酒香路逢

眇道士疑是左元放我欲從之語恐復化為羊

豐樂橋

失考當在豐湖上而地志不載

江邊有微行詰曲背城市平湖春草合步到棲禪寺堂
空不見人老稚掩關睡所營在一飽食已寧復事客來
豈無得施子淨掃地松風獨不靜送我作鼓吹

微行

詩遵彼微行毛傳微行牆下徑也孔疏微細之徑道

棲禪寺

在豐湖上見後兩橋詩引

中

贈包安靜先生茶

別本無茶字

二首

皓色生甌面堪稱雪見羞東坡調詩腹今夜睡應休

自公

注偶謁大中精藍中故人烹
日注茶果不虛故詩以記之


建茶三十片不審味如何奉贈包居士僧房戰睡魔

自公

注昨日點日注極佳點此復云
罐中餘者可示及舟中滌神耳

慎按以上二首施氏原本載遺詩卷中外集

以為在惠州作今据此移編



蘇詩補註卷三十九